

連江縣志卷二十三

列傳

乾隆志人物部首列先憲。蓋取先民有作垂憲後世之義。纂傳凡三十
八。嘉慶志仍之。增傳一十有三。今依局章概之曰列傳。以示尊於他專
傳者。間雖有移綴別類。亦有由別類移入。以及嘉道後之續輯。要皆不
失其本旨云。

宋

李亞苟。字宗卿。端拱元年正奏。累官度支員外郎。夔州路轉運使。居官嚴
整。所至凜有風采。

李餘慶。字昌宗。父慕玠。秘書省著作佐郎。餘慶以蔭授應天府法曹參軍。

嘉慶志選舉作皇祐已丑舉諸科遇事輒與留司爭。留司賢之。薦於朝。改太常寺太祝。知

潮州。潮州誤應歸安縣。天聖間。遷太子中舍。通判秀州。築石隄。自平望至

吳江五十里。以除水患。州近鹽場。餘慶請置華亭海鹽兩監。以弭盜販。歲

回車山噴之此唐末
人猶有三代自述求之
晚近亦有也揚言司不
數其人

連江縣志

卷二十二

宋列傳

七

收緝錢八十萬。擢殿中丞。以上書論事過懇。除守國子博士。知常州。為政
精明強果。事至立斷。久姦宿惡。輒收之不貸。至其化服。則又撫循養息。處
之如平人。卒於官。就葬橫山。州民填道瞻送。相與圖像祠之。子處常。忠武
軍節度推官。處厚。處道。及處常。子撰。皆登第。處厚。曆知廬州。提舉淮南等
六路茶稅。處道。及處常。子撰。自有傳。通志入良吏節錄通志

李處道。字深之。餘慶第五子也。登治平四年正奏。初調陳州南頓縣尉。改
成州同谷令。時轉運使與處道厚。知州孫京不法。欲因處道自託。處道不
可。京怒。摺處道短。無所得。移知處州。緝雲縣徐氏女。自號菩薩。家有井。詭
言能治病。趙抃守杭。亦信之。嘗求其水。由是羣無賴為之助。煽動數州。

所居成市。處道捕徐杖之。塞其井。抃聞大驚。既而徐氏生子。乃歎服。歷德
化令。浦城丞。並詳通志徙知南雄州。始興縣。始興嶺外小邑。前令多以富歸

處道。罷無南中一物。束書而返。晚為興國軍錄事參軍。年已老矣。猶力治
曹事。無所苟。凡數歲。反重囚。得免死者甚眾。已而丐休。子援為鄂州武昌

李處道捕徐杖之
或謂其害治病非水而
故長也

處道知南雄州
無南中一物束書返
不使送亦同一虛也

縣尉案柯山集處道子援舉進士中第舊志選舉失載迎養於官卒年七十有五嘉慶志無傳錄

李撰字約熙寧六年正奏調越州餘姚主簿有茶商夜行遇海舶鉦鼓偕鳴疑爲盜持短兵格鬪殺傷十餘人繫蕭山獄久不能決趙抃守越州檄撰攝縣事撰至視案牘卽得其情曰犯時不知在律勿論具聞於州杖遣之抃器其能薦監揚州高郵酒稅移江州彭澤令彭澤俗喜訟而尙鬼撰一導以信義訟日益希巫覡有前期唱某日災者已而果然民懼禍轉相趨奉撰召羣巫於庭問以火起期日處所令將詣伺有不信抵罪羣巫恐皆曰無有乃下令敢假鬼神造言惑衆者坐之人心悉安朝廷下括田令轉運使欲多得匿戶羨田爲功撰持不可轉運使怒翼旦且行撰抱牘夜徑造臥內轉運使驚問撰曰彭澤令以公事白願起視之抗論移時且請就劾解印綬去轉運使度不可屈卒從之然猶未解是時王安禮以端明殿學士知江寧府轉運使還以其狀告冀共構撰罪安禮曰縣令乃敢與部使者爭衡此必介特有守士也亟呼吏對轉運使前草奏薦撰轉運使

連江縣志

卷二十二

宋傳列

八

意沮而去曾布知青州辟置幕府撰少受業於布之兄鞏及從布辟鞏遺布書以幕府得忠信之士爲可喜礙吏部例格不行布移瀛州再辟爲州學教授元祐三年朝議遣使修復河流故道撰作修河賦二篇上之大概言河不可復究當時利害甚悉不報後卒如撰言未幾除太僕寺主簿紹聖四年欽聖太后出幸撰行馬御路東誤不引避爲殿中侍御史蔡踏所劾貶監饒州德興縣酒稅徽宗卽位轉承議郎通判莫州改簽書泰寧軍節度判官值歲水災撰首議賑救民不知饑秩滿就差通判袁州撰浮沈州縣三十年不以淹滯介意或勸撰詣朝廷申理撰曰吾每以士人老不知退爲鑒今躬蹈之耶竟不往大觀三年除通判保州未行卒年六十七贈少卿著書七種詳藝文志子六長彌倫知台州次彌遜戶部侍郎彌大戶部尙書彌中上舍優等彌正吏部郎中少彌性皆寓吳獨彌遜解官後歸隱於連彌遜彌正彌大各有傳通志入良吏錄通志末附嘉慶志按楊彌大彌遜彌中彌正茲照舊志其次序與龜山墓志異姑附註以備攷

李彌遜字似之。弱冠以上。全登大觀二年。正奏調置州司戶。累官起居郎。政和間。上封事。切直。貶廬山令。改奉嵩山祠。廢斥八載。宣和末。起知冀州。金人犯河朔。諸郡皆警備。彌遜捐金帛。募勇士。修城堞。決河護。暫激擊。其遊騎。斬獲甚衆。兀朮北還。戒勿犯其城。靖康元年。召爲衛尉少卿。出知瑞州。二年。建康牙校周德叛。執帥宇文粹中。殺官吏。嬰城自守。勢猖獗。彌遜時以江東運判領郡事。單騎叩賊闈。諭降之。時李綱行次建康。共謀誅首惡五十人。無其餘黨。郡遂安。改淮南運副使。後奉興國宮祠。知饒州。召對首奏。當堅定規模。排斥姦言。帝嘉其讜直。輔臣不悅。以直寶文閣。知吉州。七年秋。遷起居郎。彌遜自徽宗時。以言獲譴。垂二十年。再居是職。每上前言事。抗論猶昔。天子虛己納焉。是冬。遷中書舍人。條六事上之。曰。固藩維。以禦外侮。嚴禁衛。以尊朝廷。練兵以壯國勢。節用以備軍食。收民心以固根本。擇守帥以責實效。時駐蹕未定。有旨料舟給卒。以濟宮人。彌遜繳奏曰。時方孔艱。六飛雷動。百司豫嚴。宜以宗社爲心。其內倖細故。不宜更勤。

連江縣志

卷二十三

宋列傳

九

聖慮。帝嘉納之。尋試戶部侍郎。秦檜再相。惟彌遜與吏部侍郎晏端復有憂色。八年。彌遜上疏乞外。詔不允。趙鼎罷相。檜專國。贊帝決策通和金國。遣烏陵思謀等入界。索禮甚悖。軍民皆不平。檜於御榻前求去。欲要決意。屈己從和。盡逐異議者。樞密院編修胡銓上疏乞斬檜。校書郎范如圭前作范如金。通志郡志俱作如圭。按范如圭。莆田人。今從之。以書責檜。曲學背師。忘讐辱國。禮部侍郎曾開抗聲引古誼。以折檜。相繼貶竄。彌遜請對。力言不可先事致屈。宜令金人致梓宮。母后兄弟宗族於近地。俾便迎還。然後議所以禮之。帝下其疏。廷議羣臣率阿檜意。不敢違。彌遜又力爭。檜邀之私第。曰。政府方虛員。苟和好無異議。當以兩地相浼。答曰。彌遜受國恩深。何敢見利忘義。顧今日之事。國人皆不以爲然。獨有一去。可報相公。檜默然。次日再上疏。言准紹興八年十一月十九日。樞密院劄子。三省樞密院同奉聖旨。金人遣使至境。朕以梓宮未還。母后在遠。陵寢宮闕。久稽汛掃。兄弟宗族未得聚會。西北軍民十餘年間。未得休息。意欲屈已就和。在廷侍從臺諫之臣。其詳思

所宜條奏來上各限一日進入右劄付臣准此臣於今日四日陞對嘗具奏陳金人遣使請和事當緩而圖之謀以致之必於有成至於先事致屈有大不可者伏蒙陛下聽納以爲當然茲承溫語明諭聖意至於屈已就和臣仰陛下孝慈哀痛有不得已者不知涕泗之下也陛下欲還梓宮迎母后修陵寢宗廟之奉復兄弟宗族之懷以與軍民休息之期誠臣子之深願天下之至望也然敵國之情未易窺測應之得其道則不必致屈而陛下之欲可得應之非其道則雖屈而從之求吾所欲未必可得而後日之患不可不慮也金人之擾中國十有餘年殘我民人毀我城邑莫知窮極而一旦欲舉土地宗族與我是大可疑也謂其衆離勢分爲欺我之計則彼既弱矣尙何自屈之有哉謂其幣重言甘爲誘我之策則屈已從之是墮其計也或云來使之辭以爲金主厭兵欲施大恩以釋前日之怨狼子野心萬無是理設或有之但當復我土地歸我宗族休兵息民不相侵伐而已豈至先之以難從之禮責我以必從而後議哉陛下受其空言未

連江縣志

卷二十二

宋傳列

十

有一毫之得乃欲輕祖宗之所付託屈身委命自同下國而尊奉之是倒持太阿而授之以柄也授之以柄危國之道而謂之和可乎借使金人姑從吾欲假以目前之安異時一有無厭之求從之則害吾社稷之計不從則爨端復開矣是今日徒有屈身之辱而後患尙未已也陛下痛念梓宮不返母后未還不顧一身之屈求和敵國彼乃先持割地之說以邀陛下使真得之陛下能與三軍百執事守之耶不過分兵遣將以彊理之耳是未必爲大利已能致陛下之屈則梓宮母后兄弟宗族相繼而邀陛下何所不至必得其欲而後已其可不預防之耶國家之禍曠古罕聞陛下冒犯險阻取神器而有之四海之內戴聖德無有窮已者誠以祖宗流澤入人之深天下皆知忠於君上爲不易之大節也今陛下率在廷之臣屈首於人何以責其盡忠哉况三軍之士四海之衆視朝廷以爲所嚮而強之以所不欲一夫不從則有不可勝慮者矣是又大不可者也臣所謂應之非其道則吾所欲未必可得後日之患不可不慮者此也臣愚竊料金人

敵情非測
四字者之
今之強弱之
在中國志猶
是也 固山
以年丁丑辰辰
月廿二夜地也

之失在於疑粘罕而廢劉豫粘罕疑則國人心離劉豫廢則中國之人不附所以恐懼自疑爲求和之計詭誕變詐欲以自蓋尙恃強大之勢以感我不足足畏也願陛下深謀遠慮緩而圖之不待屈已就和而可以得聖心之所大欲苟內懷欲速之心外示深畏之迹實啓其窺伺之意事未易可圖成也爲今計者莫若遣使境下從其割地之約俟其復我境土歸我宗族則重幣以報之必欲先屈我而後議其所以是欺我也明矣則謝其使卑詞厚禮以遣之勿絕也陛下縱未遽興天討亦當申飭將帥厲兵秣馬固守疆場俟釁而動然後修德布政下至誠惻怛之詔動人心激士氣使人皆有報仇之志則國威日振戎事日修彼將聞風震聳求附之不能陛下端拱南面梓宮可還母后可迎宗族境土可得而保一舉而三善成不亦可乎臣所謂應之得其道則不必致屈而陛下之欲可得者此也陛下聖懿恭順痛念宗社若爲必先屈已而後和議可成則數年之間陛下之屈亦甚矣金人之所以報陛下者何如尙復可以有加耶懷王絕齊

連江縣志

卷二十二

宋列傳

十一

以和秦而商於之地終不可得太公呂后之歸則在項羽食盡少助之後果在於致屈以求之耶此又往古之明鑑也安危存亡之機實在於此伏惟聖慈詳悉之臣蒙被聖恩之厚迫於愛君欲竭其愚冒犯天聰伏望陛下廓天地之量貸臣萬死而取其一得焉天下幸甚疏入上意爲動檜雖不從然以彌遜故館金使頗殺其禮冉與計議不受封册彌遜言既不用累乞補外九年春以徽猷閣學士知漳州改知漳州十年歸隱連江西山徜徉山水自號筠溪居士是歲兀朮分四道入侵明年又侵淮西取壽春竟如彌遜言十二年檜乘金兵既敗取諸道兵復通和好追仇向者盡言之臣喉論彌遜與趙鼎王庶曾開四人同沮和議於是彌遜洛職家居十餘年不請磨勘不乞仕子不序封爵以終其身常憂國無怨懟意二十三年卒朝廷思其忠節復敷文閣待制謚忠肅著書七種詳藝又志曾孫詔自有傳通志入列傳按彌遜宋史作蘇州吳縣人以祖餘慶知常州卒淳熙三山志人物選舉彌遜彌大俱注籍連江且本傳有歸隱處是後仍歸語今邑西關外清河西瀨湖山麓筠溪釣臺尙存即舊隱處是後仍歸

連江縣志

本郡宋史籍貫似誤

李彌大。字似矩。彌遜弟。崇寧五年正奏。以大臣薦。召對。除校書郎。累遷起居郎。試中書舍人。同修國史。時童貫官撫永興。走馬承受白鏐。恃貫不報師期。彌大論之。鏐坐除名。彌大亦出知光州。移知鄂州。尋召為給事中。拜禮部侍郎。未幾除刑部尚書。初朝廷許割三鎮界金人。既而遣种師道師中。援河北。姚古援河東。彌大上疏乞起河東西境隣通志作隣府諸郡及陝西兵。以濟古之師。起河東路。及京東近郡兵。以濟師道師中之師。為腹背攻。劫之圖。遂除彌大河東宣撫副使。張師正領勝捷軍。敗於河東。潰歸。彌大誅之。復遣餘卒援真定。餘卒叛。宣撫罷。命彌大知陝州。建炎元年。轉知淮寧府。旋召為吏部侍郎。帝如杭州。命權紹興府。試戶部尚書。兼侍讀。呂頤浩視師。以彌大等為參謀官。彌大奏言邊圉幸無他。頤浩不宜輕動。又言已為天子從官。非宰相可辟。陛下必欲留臣。當別為一司。伺察頤浩過失。忤旨奪部職。出知靜江府。復入為工部尚書。未幾罷去。紹興十年卒。年六

連江縣志

卷二十三

宋傳列

十一

十一。所著書詳藝文志。通志入列傳

李彌正。字似表。彌遜弟。宣和二年。釋褐。為秘書省正字。極言大臣進退之易。實害治體。又言古者創業之主。必有謀臣。任專責重。憂勤逸樂。與之終始。今人才雖不及古。願舍短取長。擇忠實者。推腹心任之。則功可就。上稱善。命與修神宗哲宗實錄。終朝奉大夫。吏部郎中。通志入列傳
吳贊。字允中。登元豐二年正奏。知施州。沈毅簡重。中正不欺。一時權貴聞風。歛戢。民私呼曰神虎太守。時有謠云。清風神虎抑強豪。里巷咸賡五袴歌。

王元鼎。字大授。安德里人。性警敏。博貫羣籍。政和六年。釋褐。授山陰令。轉承諸暨。復令劍浦。攝清漳。政聲籍甚。郡人德而祀之。紹興間。秩滿。赴闕。除建州守。賜對便殿。稱旨。除本路提刑。甫入境。墨吏多望風解綬。去視政旬日。一路晏然。明年卒於官。子亨蒙。建州司理。亨履。仙遊尉。乾隆志無傳。嘉慶志補之。今照錄。

陳舜申字宋謨別號高齋適諸孫也縣西鋪人生而穎悟七歲能文淳熙十一年正奏歷衡陽縣歸教授累遷知漳浦縣有惠政入爲太學博士試館職歷著作佐郎尋進吏部侍郎兩當召對以正心任賢獲人心等事爲言直而不訐得正君之體上皆嘉納之會有忌者出主管武夷冲祐觀起參議淮閩未赴卒舜申立朝有節操其居鄉教子孫淑後進皆可爲世法累世同爨推德門焉著書十種詳藝文志子四長德一太守入儒林次誠一該一並縣令少調一亦太守

陳璟字景玉適之從子淳熙十四年特奏紹興間金人敗盟朝擢故相張浚都督江淮時湯思退當國倡議增幣其黨王之望尹穡遂詆浚罷其兵柄璟慨然不平與諸生張觀等詣闕上書論思退奸邪誤國乞斬以謝天下思退與之望尹穡相繼罷璟負氣磊落當時名流執弟子禮者百餘人如林士瞻陳槐卿皆一時之選後授貴州文學

趙汝固字孟堅濮王允讓七世孫以宗子登開禧元年正奏擢判南外宗

連江縣志

卷二十二

宋列傳

十三

正尋轉知宗正事時揚州拒命紹定三年十月以趙善湘爲江淮制置使勘定其地汝固與有功焉端平元年正月孟珙入蔡州金亡四月獻金俘於太廟論功行賞及固固以儒臣謙讓衆愈重之連轄販鮮魚船舊有稅例汝固爲奏免之民受其利終觀察朝議大夫贈開國侯

李韶字元善號竹湖彌遜曾孫父文饒爲台州司理參軍嘗曰吾司臬多陰德後當有興者韶少穎異五歲能賦梅花嘉定四年與兄寧之同正奏任南雄教授調慶元累調右正言侍御史出知漳州歷戶禮吏三部侍郎兼中書舍人遷寶華閣直學士知泉州召擢禮部尙書累乞祠以端明學士提舉萬壽觀卒韶爲教授時丞相史彌遠有所薦士欲充學職不與祭酒袁燮求學宮隙地益其居亦不與燮反賢而薦之治郡所至俱有廉聲立朝論建皆人所難言者徐清叟杜範以諫斥韶爭之魏了翁能督予祠韶獨請留宦者陳洵益女冠吳知古頗居中用事韶論其罪朝廷肅然憚之其自漳州復召也上疏固辭言不敢進者有四其一天下大勢和不可

戰不能楮券日輕民生離析物價踊貴臣竊以爲必自九重菲衣惡食臥薪嘗膽使上下改慮易聽然後可今二患益深雖欲效忠莫知所爲其二聖斷由已用舍徇情近史宅之予郡廷議皆謂攀援之徒自是復用環視前日効忠之臣流落擯棄臣雖貪進未知所以處其身者其三蜀方受兵特起史嵩之於家臣妄論以爲講和固非策而首兵亦豈能無罪故乞出嵩之付以兵事使稍知敵情試其說於閩外不知事勢推移亦竟廢罷而欺敵無功者坐膺相命設或議臣前日有所附會臣豈敢哉其四臣昨彈內侍女冠不行傳聞其人謂臣陰受廟堂風旨今尙貪君命竊恐道路譏臣向何所聞而去今何所見而來也詔不允趣召赴闕既又上疏引左氏載史墨語以世卿風嵩之上亦不寤及自泉州召入首言濟邸宮媼國本三事時嵩之服除將起言官章瑛李昂英等論列嵩之甚峻詔落職予祠詔復抗疏曰臣謹按春秋鄭莊無君而蔡人衛人陳人從王伐之初未聞以其爲王卿士貴重而莫敢聲討也今陛下不能正姦臣之罪其過不專

在上蓋大臣百執事不能輔天子而致討皆春秋所不赦乞亟賜裁處勒詔嵩之致仕未幾瑛昂英並罷言職詔十疏句去及陛辭疏言彼此相視莫能行其志而裁決庶政品重人物相與運於冥冥之中者不得不他有人焉是中書之手可束而臺諫之口可鈐甚非所以示四方一體統也疏上卽出國門後累召不赴詔爲人公清篤實上嘗謂其有愛君憂國之心出畫竹扇賜詔手書曰有節天容直無心道與空因號直空老人默坐一室門無雜賓卒年七十五諡曰忠清通志入列傳

趙崇祉字時發嘉定七年以宗子正奏知南劍州興學造士暇則集諸生親爲講解經義儒風不振移綴循良

趙崇倣字至伯號是齋登寶慶二年宗子正奏授盱江守志潔行清於民毫無所取惟飲盱江杯水而已初陳剛中未遇時遊盱倣與定交後剛中以忤檜客死爲文弔之士氣爲壯終知建昌軍移綴節概

常挺字方叔號東軒東嶽舖人嘉熙二年正奏歷官右垣轉給事中時宦

常批以後日官官
董宋臣三派力爭
御是勅黃

官董宋臣既廢復進。擬當草制。繳還勅黃。抗疏三爭之。辭漸激切。其三疏曰。臣去年七月二十日。以董宋臣除入內侍。省押班。連日兩上繳奏。方具第三疏。御筆宣諭再四。臣遂請告乞歸。越十日。未有處分。不獲已。拜疏出闕。將押班詞頭。及兼職錄黃。并繳。上恩如天。未賜斥逐。且遣天使押回。勉以就職。臣心不自安。退復請假。忽八月初三日。御筆傳示。謂宋臣之除。紛紛不已。今蔽自朕衷。俟其滿請。祠以從之。時陰雨霖淫。踰旬。聖斷一出。日光四開。人言頃者。天意回陽。未有不降下一念中來。繼頒給假正月之命。人皆知予祠未晚。夫天子之言無戲。舉朝公卿大夫。自是無一人敢有議者。明禮禮成。宋臣亦預加恩。一人之數。奏鈔經臣書。讀其所係銜。則新除押班。其所兼。則數職。臣愕然曰。加恩或可以例言。但辭黃兼職。既嘗封駁。在臣無緣而書。然未敢上煩天聽者。亦以予祠已決也。今假期已周。拱聽祠命。董宋臣輒敢乞寬假。而陛下從之。為再給兩月。豈非巧於夤緣。意圖復出。故藉是得以撓陛下之天。斷歟。此臣不能以默。蓋前日之請。雖未

連江縣志

卷二十三

宋傳列

十五

遂而聖意之決為可憑。今已決猶未決。則前請又不容於不申。在東臺猶西掖。臣何敢二其心。夫堯言之布。天下咸誦。帝志之熙。疑謀勿成。閹宦便嬖之臣。惟恐一日不在君側。雖去而徘徊不忍去。惟決而去之。則在人主之獨斷。祖宗時。內侍臣以過罷去。不許再除。故楊懷敏以臺臣論。而不得為副都知。李志道以諫臣言。而不得復內侍。又有投閒置散之內臣。高宗欲起致仕而用之。而言者謂自古帝王。未有起閹宦於退閒中而用之者。其命遂寢。今宋臣之過。浮於此人。人言藉藉。而不可掩。此陛下之所知也。知之宜其予之祠矣。然猶遲於出命。或曰。奸人誤國之時。逆曾抗師之際。聖懷焦慮。宋臣實躬左右之勞。臣曰。王繼先非舊日高宗所寵任者乎。時換前班。富直柔繳之。高宗曰。繼先誠問視有功。可特書讀。及聞再駁。則曰。直柔抗論不撓。朕屈已從之。以伸直臣之氣。高宗未嘗不用繼先。而去之未嘗不速也。或又謂宋臣巧慧。長於辦事。非他內臣之比。臣曰。龍大淵曾覲。非孝宗喜其能任事者乎。其市權席寵也。羣議交攻之不下。後聞陳俊

不可多此一曲

帝規
封合沙公

以典文為山位

林公玉以帝逸捨
寺五十年之缺立有
士在志如此也建人
祀不王於其後也

吳仲良平生
不欺

卿一言則曰當為卿逐之。俊卿歸未及門。已聞有旨逐二人於外矣。孝宗未嘗不用淵觀。而疎之未嘗不亟也。蓋事有關於國家之大體。而小係吝之私。亦不足介。此高宗孝宗之英明為莫及。繼先醫師也。淵觀宮邸舊人也。固非內侍。請以此喻。陛下聰明果斷。迥出千古。從諫如流。即成湯豈特轉圜類高祖。獨此一事。猶未堅斷。臣實不能無惑。且寬兩月之假期。曷若光明聖德於俄頃之斷。容衆怒之宋臣。曷若扶植綱紀以不撓之地。惟陛下深知獨見之明。直下予祠之命。乃所以示中外之大信。宗社幸甚。天下幸甚。所有再給假錄。黃臣不敢書讀。時稱其封奏不阿。與袁高比。已而遷監察御史。兼崇政殿說書。復疏言邊閫三事。曰。辟實才。曰。奏實功。曰。招實兵。朝廷二事。曰。選賢吏。曰。受直言。皆切中時務。進太常少卿。累官工部侍郎。為論者所攻。以寶章閣直學士出知漳州。召為兵部尚書。擢權禮部尚書。進帝學發明。凡陪祀陪宴。進詩皆寓箴規。不為容悅。風節凜然。始終如一。官終參知政事。封合沙公。所著書詳藝文志。通志入列傳

連江縣志

卷二十二

宋列傳

十六

林公玉。字文振。與兄宜高同登淳祐四年正奏。授建武博士。建郡從無登第者。公玉歎曰。聖朝立賢無方。建武豈在聲教外耶。乃延宿儒督課。以興文為己任。自是科名與中州埒。時竹溪林希逸以錢五十萬。委公玉捨入光覺寺。公玉逕移其錢。立貢士。壯為上春官。屢助希逸義。而記之。建人祀公玉於學。丙午。校文懷澤州。守者納賄私囑。公玉不為屈。臺府交薦。有嚴立師道。力持文衡之譽。秩滿。以聘入粵西幕府。寶祐丙辰。與南宮分校。所得皆知名士。累轉參帥幕府。卒。

吳驥伯。字仲良。淳祐七年正奏。官工部侍郎。理宗朝。以苦諫華靡。忤旨。乞歸。卒。日。語其子曰。吾平生惟不欺二字。爾其識之。

陳應用。字軒伯。淳祐七年正奏。咸淳三年。知丹陽縣。清強剛介。治聲翕然。竄豪民。辨誣枉。行鄉飲。旌孝義。洎去官。邑人為立生祠。後歷長洲。改提舉

司主管文字。移綴循良

鄭思肖。字憶翁。一字所南。祖咸。枝江主簿。父震。更名起。淳祐道學君子。傳

思肖思道

本此世界

三升野人

坐卧不北向

畫蘭不畫土

大宋不忠不孝部
思肖其語言此此也
以在志著也

入儒林。思肖以太學上舍應博學宏詞科。會元兵南下。叩闕上疏。辭切直。忤當路。不報。初名某。宋亡。改今名。思肖即思趙。憶翁所南。皆寄意也。蚤歲嘗侍父遊吳。晚遂寓吳。不娶。扁其室曰本穴。世界以本之十置下自稱三外野人。言超乎三教之外也歲時伏臘。輒野哭。南向拜。終身誓不見朝士。坐臥不北向。或聞北人語。必掩耳急走。人亦知其孤僻。不為怪也。素與趙孟頫善。嫉其以宗室受元聘。遂與之絕。孟頫數往候之。終不得見。歎息而去。精墨蘭。自更祚後。畫蘭不畫土。根無所憑。或問其故。答云。地為人奪去矣。然亦不妄。為人作邑宰。求之不得。因脅以賦役。思肖怒曰。頭可斷。蘭不可得。嘗為一幅。自題云。純是君子。絕無小人。深山之中。以天為春。無何貨所居。得錢周人急。田亦舍諸刹。惟餘數畝為衣食資。謂佃者曰。我死。則汝主之。蓋不以家為矣。自是無定跡。時寓姑蘇。萬壽覺報二刹。疾急。囑其友唐東嶼曰。思肖死矣。煩為書一牌位。曰大宋不忠不孝鄭思肖。語訖而絕。年七十八。其意謂不能死國與無後也。著書十二種。詳藝文志。大無工十空經一卷。

連江縣志

卷二十二

宋傳列

十七

空字去工而加十宋造語奇澁。莫可曉。自題其後云。臣思肖嘔三斗血。方能書此。後當有巨眼識之。嘗云。天下皆變。吾觀其不變。乃所以變其變者。物也不變者道也。又云。古人重立身。今人重養身。立身者蓋超乎千古之上。與天地周流於不知不識之天也。養身者惜一粟以活微命。役於萬物。死於萬物。何足道哉。又三教記自序云。我自幼歲。世其儒。近中年。闖於仙入晚境。遊於禪。今老而死。至悉委之。第邇來三教。淒涼甚矣。不覺數數為之動心。各因其意。作三教記。何夙習之尚未忘耶。然期望天下後世之心。則深矣切矣。吾其絕筆於斯文乎。又工詩。寄蕭梅初云。無地可容足。有天能見心。過徐子方書塾云。不知今日月。但夢宋山川。寫憤云。草泣荒宮雨。花羞峭地春。題鄭子封寓舍云。此世但除君父外。不曾別受一人恩。題寒菊云。寧可枝頭抱香死。不曾吹落北風中。偶成云。夢中亦問朝廷事。詩後惟書德祐年。花柳有愁春正苦。江山無主月空圓。兼采通志通志入忠節傳自序居連江東導村已十數世又三膜堂記言先人嘉靖庚辰出閩遊四方甲寅始寓吳故吳匏菴作姑蘇卓行傳言所南連江人從其實耳吳

梅村鄭孝子青山墓誌銘云鄭氏自唐宋以來世有清德吾同年士敬為保御再從弟相與立祠堂講舍修復其祖所南之家法是直以所南世為吳人欲有之固無足怪但所南無子而今日其祖不使人發噓乎

明陳子晟字仲昭東岱人幼善屬文洪武五年舉於鄉試禮部時方弱冠廷議以其年少俾入太學未幾選荆王府判讀子晟尤被知賞子晟從宋濂遊所為文益奇進濂嘗作師古齋箴以示勸九年從王之國嘗直不阿藩僚諛者輒面斥之還京師卒年二十六通志入列傳方孝孺誌其墓云喜讀書有名里中長老稱之洪武四年詔用科舉取士仲昭連江人少周易與諸儒論諸儒莫得仲昭名在前列福建行省貢於朝廷即以之俾人太學選為荆王判讀是時天子寵士俊郊祀燕遊奇異怪偉之事輒命從官王臣年少賦詩屬文親高下吝賞其能仲昭從太史公學文有法可觀尤為上所重命廷中少趨過目視可者拜參知政事御史郡守數十人為上昭久獨不與九年從王之國後二年經正死中郡舍無所傳王昭直每廷甚任之其府長史調巧授王經至楚說恣王所為無所諫正昭每廷甚任之其府長史調巧授王經至楚娶婦翁為兵所戍邊惟外姑及仲昭遷京師欲與外姑俱行長史持以兵妻不格弗許昭獨行發病念婦及外姑不置遂死時謂不及閩中諸儒亦皆奇歎不綴述少暇其鄉先生多造舍請其

連江縣志

卷二十二

明列傳

十八

可友鳴呼今死矣與仲昭同仕少年器出仲昭下多致大官又善與人合無所忤不遇禍仲昭獨以直取恨不得志豈才者固人所忌耶或言富貴修短出於天世之得者甚眾不必如仲昭才如仲昭獨天死日棄才耶嗚呼其可哀也仲昭死於洪武某年四月一日葬以某年月日銘曰孰使子無傳乎嗚呼天乎

汪大賓字貢可洪武中舉孝廉為廉州府經歷敷政公平郡守殷革薦其賢擢禮部員外郎移綴循良

林瑜字希瑾別號月寅縣西舖人洪武十八年進士授江夏令歲饑捐俸賑恤請撤三路閉糴之禁民賴以活秋潦為災築堤障之期年大稔去江日民祀於名宦歷雲南參政親老乞歸

周澤字仲清希孟諸孫也洪武二十一年歲貢從選舉志作歲貢授山陽令節儉不苟邑有權貴以非禮責囑力拒之歲饑罄俸賑訊獄鞫訟深得民情擢

南京巡城御史二十九年出使咸陽點檢官民屋舍有親藩奪民舍數百間為囿官不敢言澤抱牘劾奏切直觸上怒山陽權貴修舊怨從中擠之謫戍北京天津衛隨卒弟濟代其行咸陽民涕泣立祠祀之

此乃

游義生切諫
以尚素並研
是合學不初

孫芝樹

劉三吾市道
十五條孫芝樹後
由是之益獲全
後有人割裂四子
而別以門類等四
教修孫劉三吾
天增在孫芝樹

春氣氣年有
此名教三可
我

游義生字伯方生有異質五歲授毛詩能辨大義十九領洪武十七年鄉薦明年成進士選翰林庶吉士二十二年上簡吉士中風采範俗者解縉等二十八人義生與焉旋賜山東御史印上覽孟子至土芥寇讎之論謂非臣子所宜言撤亞聖配享義生與臺中十餘人繼錢唐入諫言詞憤切觸上怒并下之理既而上披諫章思義生言召之犴吏以死告上曰噫懲哉因盡釋同繫諸臣孟子之祀卒不廢通志入列傳按伯方為福安諭方讀書母命婢持角黍啖之佐以鰕伯方誤蘸錫於研墨食之盡不知也及繫獄餌金葉死時為乙亥九月二十六日年僅二十七檢其箚中惟故書舊衣而已同官為之殯義生無子一女適張氏生子子初正統間御史

連江縣志

卷二十三

明列傳

十九

膺至補守沔陽未行奏復孟子全書先是洪武庚午詔削孟子配享廢其書尚書錢唐與襯受箭以諫義生等繼之已而上悟事旋止第命學士劉三吾節其書八十五條課試不以命題科舉不以取士至是芝又奏復之其畧曰先儒謂孟子與人君言皆所以擴充其善心而格其非心不止就事論事若使人臣論事每如此豈不能堯舜其君乎臣讀逆臣劉三吾所駁如梁惠王問何以利吾國孟子答以仁義所答非所問是以所如不合不知仁義即利也易曰義者利之和程子謂拔本塞源而救其弊者三吾又謂惠王欲雪恥非興兵構怨不可孟子制挺以撻之論益迂且遠矣不知魏問齊秦楚三大國之間力不足而興兵構怨是蹙其滅亡矣孰若對以仁義使民樂於効死夫豈迂哉甚至削去八十五條如養氣章程子所謂擴前聖所未發有大功於世教者亦概削之則謬妄益甚乞下部議收復全書庶使萬世知所誦慕云由是孟子全書以芝言復全都御史李慶吏部侍郎蘇達先後薦芝留京師督造琉璃瓦甑又留採木宣德丙午擢

山西參議謝恩日特賜致仕時年僅六十二輦下諸公題卷贈之曰林下一人芝居官謹身率下以愛民爲本剛方果決人不敢欺歸里杜門謝外事自食其力依然寒素卒年七十九通志入列傳

阮嗣字繼之洪武二十七年歲貢入太學宣德二年授連州判官興利除害卓有政聲州屬劇寇譚應真聚劫爲害嗣至諭降之境內戢寧以功擢戶部主事州人祀之名宦後歷河南參議交趾布政以老乞歸著書二種詳藝文志

林子敬原名虞大塲人少充邑庠旋以家貧退志不應制舉永樂元年有司辟爲都運使司從事善楷法精算術遂易爲掾數年循資咨部班錦衣衛扈駕幸北京丁酉授廣東高要典史旋以承重丁曾祖母艱南歸廬墓服闋赴都署京倉事踰二年授浙江江山典史會部使者行縣令丞簿俱以事免獨子敬以廉介見禮委權縣篆招撫逋逃復業五百餘戶整鬻舍置廩庖課諸生以經行縣俗爲之一變宣德三年四月以年老乞致仕歸

連江縣志

卷二十二

明列傳

二十一

嘉慶志無傳采林氏譜補之

趙雍字景和資壽舖人領永樂十五年鄉薦二十二年成進士初授戶部主事以親老疏乞歸養旋丁內艱服闋授工部屯田主事遷南吏部郎中尋轉雲南參政時貴州寇亂朝廷出師征之糧餉鎧仗之費盡需於雍雍悉籌給而日循循輯和其人民寇平滇黔以安又築寶泉埧溉田萬頃利民無窮景泰七年以疾致仕子炎正統丁卯鄉薦官揚州府同知亦有惠政父子均有撰著俱詳藝文志

趙璉字維清上里人永樂十八年鄉薦任程鄉訓導經明行修教誨不倦諸生以文質者能別其窮達十不爽一士林宗之子嶧移綴循良

趙恢字汝弘號文峯江南舖人宣德八年廷試第二授編修英宗朝擢侍讀充經筵講官進講時於忠邪治忽之關反覆陳說上深器焉正統十三年會試分闈特旨命恢釐正文體黜浮崇實一時文風復軌於正景泰初出典南闈亦稱得士尋奉命祭告南海神晉右春坊庶子兼侍讀纂修國

史以疾告歸著書三種詳藝文志孫學領成化庚子鄉薦兼采通志通志入文苑

張子初字善夫宣德元年舉人初授山東曲阜縣教諭九載應遷會臺職

缺詔以舉行兼優剛方清直者補之特授陝西道監察御史正統十年命

巡按廣東尋以嫡孫丁祖母艱景泰元年起復改貴州道監察御史自宣

德以後御史有保舉之例久而滋弊子初會疏極言之畧曰臣竊見洪武

永樂間方面郡守缺聽吏部推訪內外官賢能用之而又久於其職至授

御史命吏部於知縣應陞人員中由進士舉人出身者選用法良善也宣

德間始有會官保舉之例行之既久奔競成風所舉非人往往有之况御

史職司言路若從大臣保舉得任則大臣有過彼必箝口捲舌而不言大

臣有囑託彼必俯首帖耳而聽命是朝廷耳目之官為公卿爪牙之用大

非體統請停保舉新例復洪武永樂之舊制庶賢路可濶言官得達朝廷

謹其言內侍單增恃寵驕縱大臣相為比附子初與都給事中林聰暴其

罪下增獄都督汪全恃戚晚縱家人奪民田復同御史朱英論劾歸其田

連江縣志

卷二十二 明列傳 二十一

於民進侍經筵賜四書五經各一部致政還家俸餘不滿百金遷居伏沙

特營一室猶待子偉成之偉字厚立應景泰丙子鄉薦終遷居教諭子初

父子均有撰著俱詳藝文志通志入列傳

林漢川字致遠以父榮任漢川教諭時生故名比長隨父任餘杭領宣德

四年鄉薦為臨淄教授修學舍嚴課試正統六年行取至京將擢為臺諫

適聞父訃或勸其暫秘以待命答曰科道官可無父喪不可匿也遂奔回

起復肇慶博士乞歸移綴循良

陳宗回名復以字行縣前舖人正統七年歲貢授韶州通判稱廉能會廣

川奉勅督造册封巨艦未就使臣令刻期竣而撫按又以勞民為憂令回

董其役回廉知吏胥中飽弊以溫語諭民而清其工值不日告成然以剛

直為時詬病竟棄官歸家徒四壁教授南塘村移綴循良通志入良吏

楊季字克敬六代同居崇之從兄也正統五年歲貢入成均以按臣薦擢

漢川令七年冰蘖自持興利除弊百廢具舉以年老請致政民詣當道乞

科道可無父喪不可匿

留當道亦慰留之乃自疏於朝得允及行行李蕭然惟舊籍新詩數函而已縉紳各歌詩以贈民思之不置立生祠祀焉至家年七十一卒崇禎末

同邑吳承宗丞江夏以公事至漢川仰季清風謁祠獻楮幣並捐俸修葺

垣宇而去移綴循良通志附忠義楊崇傳大理寺高銓送其歸闕詩云

山富有春風月閒邊賒酒債烟霞暖處着吟身從今楚水歸休後此樂真

知有幾人侍講王譽詩云清白家聲舊琴堂聽政優乞歸天詔詔臨別士

民留行李詩盈卷離情月滿舟家山多景况眺賞日登樓

陳隆字伯昌上里人領正統六年鄉薦授松江同知成化間擢苑馬少卿

轉太僕致仕所至以清節著居家不殖產業謂無庸為子孫供遊蕩資性

好圖書終日靜玩若不知有外事然移綴節概

鄭昉字景暉號榮軒資壽舖人正統恩貢天順間為叙州通判性廉介狷

特義不入人一錢同官有繪一堂和氣圖者其人墨昉手裂之當道右富

民誣人以戍昉力爭白其冤不以觸迂避也於是鄭通判之名聞於遠近

盜賊相戒不敢犯滿九載昉自罷歸名其窩曰釋鋤暇則澆墨自遣見邑

連江縣志 卷二十三 明列傳 二十一

士大夫垣室宏廠者輒不一顧其子以故宅湫隘不可以賓直其前隔巷

為三楹方上梁見彩幣懸焉問何從來對曰大人歸自敘州百姓以大人

不受從車後擲以遺某者向未敢言耳昉瞪目曰此汝屋也吾死不入後

昉病垂絕子婦昇入新室昉足拒於門不得入乃復於舊室殮焉通志入良吏

翁賓字文興資壽舖人景泰元年鄉薦第一為束鹿訓導學純行潔訓迪

多士一時奉為模楷移綴循良

林錦字彥草號雙溪仁坂人景泰元年鄉薦授合浦訓導素知兵時廣寇

充斥巡撫葉盛聞錦名檄攝靈山隨薦為令詔許乘驛之官錦單車見賊

酋前後諭降二十餘壘復發兵剿其不服者斬獲無算督府上其功遷知

廉州又以都御史韓雍薦擢按察司僉事賜璽書專守廉錦完城浚池立

營堡練士卒賊不敢犯又以廉通諸邑水陸險遠為闢道成梁葺舟楫所

在積穀備歲歉貽數世之利廉人德之尋進廣西副使會黎酋不靖錦每

讞獄輒命烹囚首進案上快啖之賊聞破膽其所啖者實麪為之也及謝

昉 查字與日部音戶

傳 昉分傳事入揚子

言 效昉文也註文移貌

張 衡西京越地昉時

以 弘毅注昉亦文也

鄭 采軒釋柳富

鄭昉字與日部音戶

林錦單騎見靈山賊酋諭降二十餘壘

神勇以收德化案

以鍾方因苦中優况

或寒迴錄白庚
九月之遠以欣

連統五月勝集在
胸非去其指於牙
必不反此賊之場也
宜也

陳鴻漸三十九歲以親
生之師

儀若水之六歲致仕
文德善二十七歲致仕

政歸宿一驛僕御祇二三十人謀報強寇數百人至錦命開重門燎燭端
坐展舊軍籍陰令從人戎裝聽點廻環不絕賊聞喧聒竟夜不知虛實遂
不敢發其智畧權奇類如此性又謙抑能甘淡泊莆田彭詔稱其清操可
質鬼神子泮成化辛卯舉人兼錄叢談通

大理寺林希元傳云大夫福建連江人也以乙榜署合浦縣訓導事
立教崇邑諸生多從問學時四郊葉文莊公命攝攝凡靈山得行所志
當路南郭外居民近歲饑民環食樹木倉庫排柵民流亡適入中貴探
民居之免寇患值歲饑民環食樹木倉庫排柵民流亡適入中貴探鄉之
赤子思公之置獄未幾秩滿考最盜倉庫排柵民流亡適入中貴探鄉之
千錢乃得慈母以狀聞請秩滿考最盜倉庫排柵民流亡適入中貴探鄉之
日公乃單車入賊壘諭窮餓又奏蠲賦一民是歲不登穀價相率來歸
民有弗率者躬一甲胄隨賊所至提兵擊之天順壬午正月賊解甲於
禾賊於黃崗去城遂廓暇其可垂久言於勸前農務四弟禁
千餘人於黃崗去城遂廓暇其可垂久言於勸前農務四弟禁
有奇徙縣治於城廓暇其可垂久言於勸前農務四弟禁
淫祀民稍知向於城廓暇其可垂久言於勸前農務四弟禁
廷窮其忠賢此大者公起試廉州守繼擢廣泉憲副奉勅命守備廉
無窮之福此大者公起試廉州守繼擢廣泉憲副奉勅命守備廉

連江縣志

卷二十二

明列傳

二十二

州高雷等處在任三十餘年軍民安堵狼獾豬獠亦皆向化當時名公建
勒碑文九通以頌功德亘古不磨成化辛丑春公年六十有五邊境晏然
遂致政歸陳公祀焉欽州亦有專祀

陳鴻漸字廷儀舜申後學前舖人景泰二年進士授刑部主事察獄明敏
用法平恕歷廣東司郎中廣東司管錦衣列校獄時權貴挾勢庇奸請託

紛至鴻漸一切拒以法權貴怒欲中傷之鴻漸謹飭卒莫能害嘗奉廷旨
讞獄常州與權要某武臣同事因欲賄陷某鴻漸曲為之防至不得交一

言而去天順末詔庶僚有年未至而願致仕者聽鴻漸時年三十九即以
親老乞歸家居二十餘年始終一節上通志入列傳尚書何喬新序云皇

得自陳以禮致仕蓋所以體羣臣而優禮之也詔下之日其位庶凡有
睦屬有微恙且去親之老思歸道意至夫相語之日公與去三致仕者

友共挽留之不得也公即治手書歸道意至夫相語之日公與去三致仕者
章既上而優詔之得也公即治手書歸道意至夫相語之日公與去三致仕者

公年八而致仕不九乃能退於賢人誠遠矣弗去者今
公之風操則高矣然公之去當非以急流勇退為高也執政者聽其去亦
以為國寶耶余解之曰公之去當非以急流勇退為高也執政者聽其去亦

非不為朝廷惜賢也公之意則曰吾父母年老向者欲一就觀而不可得
天子幸許至臣感恩圖報之誠則亦豈能一日而忘於懷耶不知者之
蓋曰近世士風愈下或貪祿固位而不知止或鑽隙抵牾而不知恥幸而
有超然於富貴之外如廷儀者焉可不遂其志成其美以爲士風耶謂
公以勇退爲高者非知公之心也序之政不能惜賢者亦非知士風耶
也於是衆咸以余言爲然而屬余之政不能惜賢者亦非知士風耶謂
事頗久辱知最深於公之誠也忠孝如韓退之於孔左丞然抗章以尼其
又不能如疏少傳於公之誠也忠孝如韓退之於孔左丞然抗章以尼其
嗜杏海內舉其俊茂以臻成五登三之盛廷臣賢而公雖天方將
豈能久於三山之巔連江之溪哉余知駕未及稅而使騶在路矣
朝以與道致治余與
二三子爲公願也

游官字汝哲天順六年恩貢選授廣東博羅縣訓導成化四年上章言宋
熊禾闡明儒教表章經旨宜與羅楊諸儒從祀文廟上集廷議大學士彭
時言禾原籍建陽宜予立祠詔從之隨以父老乞歸養禮部議奏宣年力
未衰教職修明乞析宣年俸一半交原籍官代養其親庶臣職子道兩無
虧詔從之士林以爲特典咸榮美焉通志入列傳
歐信字孚先薊州籍成化二十年順天鄉薦甲辰進士以都中督餉大同

連江縣志

卷二十三

明列傳

二十四

增置東大有倉乘賤易粟儲用歲積至五十萬石歷遷右副都御史巡撫
大同始至卽選將訓兵綜理屯牧修舉廢墜未逾年卒
俞璫字彥達宏治初以緣任靈山典史時連江定海倉額米派運大金梅
花諸所又以他邑糧米撥運本倉吏緣爲奸豪右包攬取利民至覆舟破
產被毒無告璫應選在都疏陳其弊仍奏本倉千戶李榮貪汙乞寘之法
其疏畧云以連江一縣而言定海所厥倉路通不及百里舟行不及一日
其本倉額收糧米二萬石而本縣稅糧除折色存留儒學際留二倉外該
運糧米未及七千石遞年坐派不令本倉全納乃洒運福寧大金梅花福
州萬安等倉海洋相去二三千里賊船出沒三五成羣全家破蕩者有之
全舟覆沒者有之如茲受害非惟上負朝廷稅糧抑且下損萬民軀命臣
揆其因蓋由官攢斗級欺其外處生人得以肆意刁難勒收火耗糧米及
拜見草席銀兩附近勢豪又料其寫遠不能自納得以用強包攬此臣目
擊一縣之害也一縣之害如此則天下之害可知又以定海一倉而論定

海所副千戶李榮。本以庸惡之夫。肆為奸貪之計。節謀收支倉糧。縱令所部軍餘謝福等。狐假虎威。包攬糧價。遷延歲月。覓利均分。一遇里糧運到。令其灣泊海邊。威索土儀禮物。每石米得銀二分。扣算足數。煎銷成錠。膝行獻送。方令脚頭代其搬運。及其至倉。私造大斛。任其較量。倘若不足。卽多計害。或令門軍妄呈糧米粗碎。插和泥沙。或暗令無賴。鑿漏沉水。故意淹滯。經月不收。風飄雨濕。十爛八九。鼠竊狗偷。五僅一二。納戶畏威。自服受制。莫言。縱有事發。卽以財勢彌縫。此臣目擊一倉之弊也。一倉如此。則天下又可知矣。夫以運之遠近。雖細故。而所係天下之民命。則甚重。倉之弊病不足惜。而所係百姓之膏脂。深可惜也。朝廷從璵議。勅下福建巡撫立革其弊。至今連民賴之。通志入良吏。按俞氏謚璵之先世。有俞應符。祐進士。任四川制置使。嘗討叛人劉整於瀘州。又俞世隆。熙寧間。以文行舉。任葉縣尹。不知舊志科目題名。何不具載。姑闕而俟考。獨璵為其後。以末秩卑官。能為德於鄉里。亦於前有光矣。

陳璽。字天瑞。山藏人。宏治二年鄉薦。授廣西思恩府通判。土官岑濬強悍。

連江縣志

卷二十三

明列傳

二十五

不法。璽以德教化。馴寢就範。薦改桂林。廓棘園。建浮梁。士民德之。遷眉州。

守有治行。州人為祀於三蘇祠。移綴循良。

陳儉。字用節。縣西舖人。宏治二年鄉薦。授廣西荔浦令。縣屬多貉蠻為梗。

儉設法節馭。始馴服。以鯁直不容。乞歸。慕陶元亮吟詠松菊以自娛。因自

號曰若陶。移綴節概。

陳元憲。字一章。號石溪。縣西舖人。宏治二年鄉薦。授崇明令。崇明邊海。多

積沙成洲。可作新田。邑有施氏紐氏。皆豪族也。以爭田鬥殺。各聚眾至千

餘。官捕急。懼誅。遂航海為盜。元憲至。諭以禍福。令復業。事聞。詔賜金幣。擢

臨江判。會大帽山賊掠諸郡縣。元憲遣兵討之。多所俘獲。有販商五十餘

人。為賊脅從。鞫其實。盡釋之。其存心仁恕。類如此。遷雲南提舉。以親老乞

歸。子秉誠。秉謨。俱登鄉舉。秉謨自有傳。通志入良吏。

林鐘。字孔和。樞曾孫。宏治八年舉人。知績溪縣。邑善訟。始至。訟者盈庭。諭

之曰。令惟執法。法由情定。訟於令。曷若訟於心。爾等詭不以情。法不汝宥。

也訟者稍寢。邑歲入粟米布縷，并綴帑羽革之屬，徵則紛然，俾視民緩急。立程限，民乃舒。後與按事者不合，欲中傷之。遂乞疾歸。嘉慶志無傳錄游璉，字世重，號少石，萬石舖人。正德六年進士，授江西新建令。時寧王宸濠怙恣，強奪桃花鄉民田，鄉民列柵死守。璉極力調護，乃得解。屬桃源華林盜起，有言濠陰嗾之者，璉乃合建昌兵以計剿之。詰知其狀，遂白當道。疏其事於朝，濠懼為稍戢。遷南京戶部主事。歷員外郎中，釐宿弊，裕國儲井井有法。出守登州，歸逃民，賑饑饉，療疫疾。出主簿李若瑛之疑獄，黜知縣王修之貪酷，大新學宮，作禮器，興文育才。郡邑大治。御史蒲鏞比之蘇文忠云：遷海南兵備副使，會黎酋佛二聚眾剽掠，為民患。璉請於督府，擬兵直搗其穴，計擒首惡，餘黨悉平。民德之，立平黎生祠。海南多珍異，璉冰蘖自持，一無所取。故士服其守，民懷其惠。廣東通志有傳。官終江西參政。著書六種，詳藝文志。通志入列傳倫以訓記云：嘉靖己亥夏五月，璉郡公名璉，字世重，閩之連江人。正德辛未進士，歷南曹戶部郎中。登州守。五年，璉郡官靜退，嚴重，罕所交，私於人物，臧否吏治，得失漫若無所省。胸次介辨，乃

連江縣志

卷二十二

明列傳

二十六

益號精審，故其歷官，惟居常守廉，遇所當執持，則毅然不可回也。兵備於璉，尤及既發，百方去煩苛，不務振網挈維，易而革利，病舉才不擊，食而必先安。熟黎或茹涵，腹則疾也。狼毒狗視，沙威難犯，民聽不服，時以桀鷲，側之焉。置軍營，控遏為嘉靖中，相挺以黎酋瓊佛山，沙威居林等，峒無備，反側之盛。數年矣，甫廷議，下軍門，暨部使者，委兵士，憲臣等分於郡，諸僚部主，兵職，良臣等，計擒渠魁，戮以官軍，議陳所以從，先下招，蕭侯，協之，出民之難，被掠者，州是游鄉，公僚部主，兵職，良臣等，計擒渠魁，戮以官軍，議以兵從，先下招，蕭侯，協之，出民之難，被掠者，州是游鄉，公僚部主，兵職，良臣等，計擒渠魁，戮以官軍，議惡思召，集惟瓊兵，少散，其路，道難，寇一兵，其可計，擒渠魁，戮以官軍，議蘊崇穀，燔聚，落而，若阻，深賊，多，道，死，秋，中，堅，復，谷，懸，崖，散，跡，非，收，百，撫黎羣，燔聚，落而，若阻，深賊，多，道，死，秋，中，堅，復，谷，懸，崖，散，跡，非，收，百，父老言，先憲副，王公，征先，崖，徒，錫，家，鍾，公，鹹，三，束，異，靖，謚，日，進，兵，九，懸，崖，散，跡，非，收，百，公在功，方錄，晉亂，而王公，征先，崖，徒，錫，家，鍾，公，鹹，三，束，異，靖，謚，日，進，兵，九，懸，崖，散，跡，非，收，百，行旅，晏然，民益，潘公，參政，先，崖，徒，錫，家，鍾，公，鹹，三，束，異，靖，謚，日，進，兵，九，懸，崖，散，跡，非，收，百，軍門，張公，使，郡，十，豆，王公，同，崑，呂，通，互，其，靖，謚，日，進，兵，九，懸，崖，散，跡，非，收，百，集再閱，於崖，崇，成，三，郡，十，豆，王公，同，崑，呂，通，互，其，靖，謚，日，進，兵，九，懸，崖，散，跡，非，收，百，營職，於崖，崇，成，三，郡，十，豆，王公，同，崑，呂，通，互，其，靖，謚，日，進，兵，九，懸，崖，散，跡，非，收，百，庶周垣，表於，亦得，公，潔，法，祠，在，郡，東，官，舖，舊，義，且，樂，共，事，林，推，挾，弓，矢，庭，楡，為，牧，野，之，王德溢，字懋中，資壽舖人。正德八年，鄉薦。著吉安州學正。登嘉靖五年進

士出宰蕪湖。值旱饑。請發廩賑貸。民賴得甦。善擿伏。有所訊。具知其狀。他邑有未白事。訴當道。願質蕪湖令。德溢剖之。咸悅服去。調慈谿。蕪民遮道留不得行。慈谿尤稱劇難治。至則申約束。抑豪疆。弭盜賊。又擇其秀良。可向學者。考校獎掖。以端其趨。俗爲一變。濬杜白二湖。以廣灌溉。民戴之如父母。擢監察御史。劾奏李鉞鄭爵不法。中官咸惕息。時嚴嵩柄國。朝士蠅集。德溢岸然自異。尋差理長蘆鹽課。會湖廣巡撫凌相。以任雲南時取象牙鑲金爲部使者。葉奇所糾。相行賄當道。反罪奇。德溢三疏固爭。畧云。臣訪凌相。剛愎險譎。原不齒於鄉評。穢濫奸諛。誠有玷於仕籍。其在滇。藩旣不能揆以道義。而一介不取。尋擢憲臺。又不能肅以風紀。而一物不持。旣被論劾。已干公議。不自引退。以謝人言。肆其窮攫。反噬之凶。善爲深根固蒂之地。其大貪足以殃民。其大奸足以蠹國。春秋傳曰。竊賄爲盜。如相者。固衣冠之盜。而可廁於縉紳之列哉。伏望陛下念滇南遠隔萬里。而冤抑之狀未易聞。藩岳表正庶司。而貪墨之風不可長。先將凌相罷黜。一面行

勘以正其罪。庶有以息奸慝忿辯之風。作忠讜敢言之氣。疏上。被譴歸。旣而撫按交章薦凡七上。再以御史召入。復按廣東。風紀大振。少宰霍韜作肅政賦以贈。時朝廷問罪交趾。酋長莫登庸屢表乞降。或以黎寧爲疑。德溢疏言。安南古交趾地。迨入我朝。酋長陳日烺首行降附。太祖高皇帝嘉其忠順。錫以封爵。厥後黎季犛爲逆。成祖文皇帝命將削平。求陳氏後。弗得。乃郡縣其地。黎利復肆僭亂。宣宗章皇帝復彼裔夷。不足久煩民力。仰體聖祖初心。因其懇請。赦之。至黎暉荒縱。爲陳暉所圖。黎諫雖自稱爲後。然以孱弱避居海上。且不及時告變。致失封壤。是在彼爲亡國之主。在我朝爲失職之臣。縱其遺裔猶存。恐難復振。况黎寧或稱嫡子。或稱次子。眞僞未審。臣聞帝王之馭小逆。則震之以威。順則綏之以德。若莫方瀛父子。聞我興師。尙負冥頑。亦宜大舉王師。必誅無赦。今則畏威懷德。屢次乞降。伏望俯垂寬宥。待之以恩。賜之不死。疏奏。竟受登庸降。會劾屬吏奸賊忤當道意。遂落外補。隨丁內艱。服除。補松江府推官。遷同知徽州府。尋遷刑

連江政事城隍中
李成漢連江
五樂中自神心
居士

部山西司郎中終廣西按察司僉事德溢前後四任郡縣有循聲入侍內
臺出按兩省俱有風烈以不能脂韋權貴至兩遭蹶跌弗究其用士論惜
之連故無城屢有寇患德溢作荒城議陳之於是始城事詳城市志晚年

自號十竹居士著書二種詳藝文志通志云吾邑列傳李原道燕湖去思碑
車絡繹四方之商旅集焉雖幅員不廣而繁劇則倍於他邑故於政者
寬則弛而民質而亦易擾加刑憲輒愾以不所措其手而理亦自情常
吾邑民性淳而論政者亦曰寬猛相濟正學登進士第吾邑未嘗乏賢人
然耳故孔子論政亦曰寬猛相濟正學登進士第吾邑未嘗乏賢人
或私議以我儒者公弛教由未聞於事至則敏其嘗未嘗乏賢人
期於有餘道之行沛然其大者崇學於禮事則敏其嘗未嘗乏賢人
本傳不漁奪民租十餘其大者崇學於禮事則敏其嘗未嘗乏賢人
益不感赫赫卒而之信績於必著者蘇里甲之困農桑扛夫訟獄從容暇
公難治移公往任焉卓異之祝忍公去思乞留於監司以速也坦夫訟獄從容暇
辱公言宜於公地德政心昭久遠謂其感不誠易矣身未去而叔季概以如右
不作而曰古紀今於德政心昭久遠謂其感不誠易矣身未去而叔季概以如右
方徙彰不局則苛已政猛觀於所感而民之應可知矣公本之資稟是誠
誠中彰不局則苛已政猛觀於所感而民之應可知矣公本之資稟是誠

連江縣志

卷二十二

明列傳

二十八

已於之祠學術之正濟之舉以問之勤心積久而而感懷去位而民思
雖後託名於歐陽何文章之次以窮而民之思積久而而感懷去位而民思
其謂將之用公來方之福繩而艾公之窮而民之思積久而而感懷去位而民思
後其為御史且幸又陽何文章之次以窮而民之思積久而而感懷去位而民思
朝為名御史直聲震天下於臺乎樂且之思積久而而感懷去位而民思
爭救葉御史奇并震職下益入蓋將優擢疏薦者凡七中序云公德已昔以傳
曹卿御史清風索紀乃大講夫子出將優擢疏薦者凡七中序云公德已昔以傳
執法以肅清風索紀乃大講夫子出將優擢疏薦者凡七中序云公德已昔以傳
凡文簡公琳權御氣史丞相張亦不橫辱子教甚有補子亦不橫辱子教甚有補
程文簡公琳權御氣史丞相張亦不橫辱子教甚有補子亦不橫辱子教甚有補
請以簡公琳權御氣史丞相張亦不橫辱子教甚有補子亦不橫辱子教甚有補
故以簡公琳權御氣史丞相張亦不橫辱子教甚有補子亦不橫辱子教甚有補
矣命驚天賦象一司正丈星北門色正地豈容俄臺古亦不橫辱子教甚有補
介者靡任惟正可驚天賦象一司正丈星北門色正地豈容俄臺古亦不橫辱子教甚有補
恒好一肅官僚彰焉蓋非介也豈容俄臺古亦不橫辱子教甚有補
肅好一肅官僚彰焉蓋非介也豈容俄臺古亦不橫辱子教甚有補
勳也嗟六盜戰即古之六察其職豈容俄臺古亦不橫辱子教甚有補
綱藉之吁不嗟六盜戰即古之六察其職豈容俄臺古亦不橫辱子教甚有補
扈者效順振邦度以矜莫不職豈容俄臺古亦不橫辱子教甚有補
與古者效順振邦度以矜莫不職豈容俄臺古亦不橫辱子教甚有補
則遠讓筆者度以矜莫不職豈容俄臺古亦不橫辱子教甚有補
守則遠讓筆者度以矜莫不職豈容俄臺古亦不橫辱子教甚有補
哲豈不與遠讓筆者度以矜莫不職豈容俄臺古亦不橫辱子教甚有補

陳坦字道平東岱人。正德八年舉人。初爲工部郎。以朝賀註誤左遷揚州通判。擢泰州。值歲饑盜起。抗辭出府倉穀賑貸。盜因以弭。當道交章薦之。後擢戶部郎中。已而乞歸。連之建城。與有力焉。弟址入文苑。移綴節概李士文字在中。號肖山。東岱人。正德十一年鄉薦。授高明教諭。冷飀清苦。處若饒洽。本經義以訓諸生。當道稱其學問。行檢爲嶺南師範第一。以父喪歸。聚徒講學於九龍山之麓。服闋。補嘉魚教諭。登嘉靖八年進士。除南京工科給事中。會星變。士文疏陳六事。一曰接賢臣。二曰集廷議。三曰恤民困。四曰弭盜賊。五曰審人才。六曰端士習。多切實可行者。其疏弭盜畧云。兩廣之寇。在於招撫之。然招之復殺。則疑其心。福建之寇。在於輯捕之。然捕之無方。祇助其虐。乞勅巡撫方面官員。務在設法預備。用心防禦。招募民兵。嚴加訓練之法。屯哨軍士。重覈賣放之罪。嚴烽埃以扼出入。密屯堡以備策應。明賞罰以倡勇敢。造戰具以時緝捕。其於坐視民患。與妄殺邀功者。則悉置以法。如此則盜可息。而民可安矣。時尤稱其知言。官終浙

連江縣志

卷二十二

明列傳

二十九

江按察使。士文歷官清介。家居布衣蔬食。徒步里中。按閩使者白賈。憫其貧。欲以官地畀之。代爲營室。不受。著書二種。詳藝文志。通志入列傳

吳世澤字宗仁。學前舖人。嘉靖二年進士。授廬陵令。丙戌分校。羅洪先出其門。稱得士。尋擢南京禮部主事。遷郎中。轉吏部。乙未出守嚴州。嚴故土瘠民貧。世澤一意撫循。明年括蒼寇。據遂安梓樹塢二壩。號萬餘。世澤乘其不備。夜襲之。渠魁授首。因撫摩六邑流亡。各鄉立祠祀焉。夏大雨。衢婺發漲。七都田盡沒。羣盜嘯聚。至數千人。謀劫大姓廩穀。世澤親臨。以出貸爲富室勸。既又慮散穀時必爭集。喧嚷難制。乃下令各就食其鄉之穀。以散其衆。寇多自縛服罪。世澤置元惡於法。餘釋不誅。羣情以安。官終廣西兵衛副使。子文華。自有傳。通志入列傳

孫文錫字公爵。小亭人。嘉靖十七年進士。少悅王陽明之學。長爲嚴嵩所得士。未嘗私謁。朝廷重之。嘗奉使宣詔河南還。遇冢宰許靈寶。一揖自引去。不復詳。既起居常。語人曰。吾生平所學。惟義命二字。初授御史。按貴陽

會士曾安仁梗命。懼除。煽麻陽賊俱起。文錫請立川廣總制。勅專討賊。論安仁得罪之故。非其本心。乞輕貸逮治之。安仁輸情。願受稅糧。償所踐民田。稻麥牛畜銀二千兩入官。貴境以寧。尋按南直隸。時有長令以諸生故求去。督學御史王恕速之。行文錫曰。縣官由學校去留。非教弟子所以事大夫之禮。切責還職。後入掌京營道。給事中某以承承平久。議去團營冗食。奏乞挑選。文錫以爲不宜遽革。頃之軍中幾變。賴善處得無譁。其持重率類此。官終大理寺丞。通志入列傳

林金字良珍。號焦崖。大壩人。衡水令斌之孫。以拔貢登嘉靖十六年順天歸仁紹榜。初授靖州學正。開見易書院。以文行率生徒。遷知楚通山縣。清節著聞。轉河池州知州。修學宮。浚河堤。士二立石頌德。著書二種。詳藝文志。移綴循良。按徐惟和晉安風雅集。連人入選者六。王德溢。文吳華。陳第。游璉。金亦與焉。其一失名。時有連江六才子之目。孫用字行可。號台山。崇雲舖人。領嘉靖二十五年鄉薦。以親老署教孝豐。三十二年進士。授行人。擢監察御史。上疏言經國理民之策。南北用兵之

連江縣志

卷二十二

明列傳

三十一

宜。深切時務。巡居庸關。課武功。明賞罰。劾撫臣某薦舉不公。及守備某因緣請託。邊境肅然。尋按雲南。滇國公沐某。滇通志作黔妻陳夫人欲襲養子。疏奪其謀。士官婦鳳氏爭立。搆兵。曲爲區畫。以寢其變。土酋阿堂等作亂。方面諸臣被誣。逮繫。用奏釋之。後以忤中貴。出守荊州。肅政安民。翕然大治。

通志入列傳

陳秉謨。字文卿。元憲子。以嘉靖二十八年鄉薦。授新寧諭。擢博羅知縣。邑有羨金。悉以充公費。寇據莫村。猖獗爲民害。謨身先士卒。搗其穴。平之。以不能媚上。拂衣歸里。博羅人祀之名宦。所著書。詳藝文志。移綴節概。通志入良吏

吳文華。字子彬。號小江。晚更號容所。副使世澤子也。生而弘厚溫粹。介特。有守。臨事鎮靜。多權畧。本葉向高行狀嘉靖三十五年第進士。時年三十六。據吳氏譜

試政吏曹。作志對以進。詳雜錄少宰郭某見而賞之。曰。此足覘異日事業矣。

采嘉慶志叢談授南京兵部主事。遷郎中。遇事敢任。適三殿工興。內璫主進顏料。

牒所司具舟三百。文華裁其半。及景藩之國。先後道出留都。牒令具舟。文

華復裁抑之後沿爲例省郵駟金錢無算時文華已徙督草場本兵命代綜是役謁王傅杜婪索事事治辦一夕去無敢譁者其督草場也承振武營變後卒有訴增租者本兵慮又潰立爲奏減報可矣文華以爲曲法長驕持不下本兵固強之行未幾他調去文華乃從代者疏請如舊制節嘉志本傳慶居南中凡六年才望爲諸曹冠采行癸亥晉湖廣按察司僉事領提學道乙丑轉四川參議武定叛酋鳳繼祖自滇竄蜀兩省會緝連歲不能得文華畫方略擒之天全招討副使楊時譽以承襲爲招討使所困相讐殺文華檄諭二酋咸悔懼因代時譽請俾得襲事遂解采墓志銘踰年戊辰轉督桂學明年參魯政又明年擢贛藩萬曆元年轉河南左布政司詔旌天下治行異等者二十五人文華爲之首見明史頃之復勅修太昊陵建褒忠祠祀鉄鉉等五人濬南陽水利他興革甚衆皆持大體務裨益於民三年陞應天府尹將之任途次晉右副都御史巡撫廣西至是文華年五十餘矣采吳譜廣西方苦旱文華至則請賑卹募墾荒覈田賦均驛傳飭兵戎又疏

連江縣志

卷二十二

明列傳

三十一

請設昭平縣增河池州同知建養利州學割武緣屬之思恩移兵備於鬱林嘗自將討平南鄉陸平周塘板寨諸貉遣裨將韓大啓擊昭平賊黎福莊斬之乘勝攻破五指白冑諸峒撫定二萬餘人卽其地建堡二十一墾田二萬六千餘畝頃之柳州北三賊號剗馬者聚衆萬餘人與河池賊並起文華遣將剿之河池平卽馳檄諸將曰吾名攻河池耳意固在北三也今河池捷彼謂我兵疲必不我虞可擊也遂督兵分道進賊果不爲備連破七十餘巢斬四千八百級俘獲稱是是役也兵不及萬費不逾千未浹旬平兩巨寇事聞本兵擬策勳告太廟相國張居正欲以爲督府功度不可乃薄其賞僅錄一子入太學尋遷戶部右侍郎請終養歸時居正方奪情諸言省侍歸養者皆惡聞文華獨觸忌不顧時論韙之旣歸年餘丁內艱服闋起兵部右侍郎兼右僉都御史仍撫奧西湘源熟貉苦催科謀爲變文華檄諭之遂定田州酋岑大祿與母梁氏不相能梁徙避他所隣酋欲脅討之而瓜分其地文華諭大祿迎母歸覬覦遂息據行狀參嘉慶志逾數年

轉刑部右侍郎。晉右都御史。總督兩廣軍務。督轅衛士數百。冒餉者半。文華覈空名者罷勿餉。留其精壯。以隸裨將。使訓習。宿弊盡除。采行在鎮三年餘。屢有平亂功。嘗一歲受三諭錫。摘廣東通志檄會總兵呼良朋討平府江諸貉。及懷集賊曾嚴秀珠二捷。並聞。賜金幣。又錄一子入監。廣州奸民陳鏡等集眾盜珠。文華憫其愚。檄諭解散。鏡尚拒命。因捕斬四百餘級。沒其巨舟三百餘艘。方珠盜之起也。有謀報廣州主客兵欲叛。應賊者上下惶恐。文華不為動。第移鎮會城。合諸營兵操練。犒賞如平時。密捕海上謀一人。磔以徇。內外帖服。先是東營悍卒以罪被執。遂大鼓譟。挾主將抗有司。文華曰。此吾粵腹心疾也。當密除之。乃調操於端州。防汎於南頭。以分其勢。比閱操廣州潛偵。得首惡數人。以犯令戮之。三軍股慄。心知其討前罪也。其威惠並用如此。摘廣東通志惠州賊巢有岑洞者。最險遠。巢之酋曰李鑑。其謀主曰江月照。尤獷黠。鑑死。其子文彪繼之。無何文彪又死。月照妻其妻而子其子。威燄逾於文彪。文華選卒扼要隘。復購旁寨。縛月照。至月照

連江縣志

卷二十二

明列傳

三十一

道仰藥死。致其屍。餘寇李珍等由閒道遁入贛。尾擊大破之。沒入賊田幾五千畝。以予屯卒。桶岡四寨。瓊州諸黎亦以次平。又以訓導林立。知兵使參軍事。撫降九千餘人。餘孽復出。屬副使鄭人達追捕。盡殲之。摘廣東通志當是時也。兩廣山海諸寇出沒。蹂躪州邑。官軍雖往往小捷。然得不償失。文華命將出師。授以方略。輒懸台機。宜往無不克。其所撫納降附。十倍斬馘。粵自軍興。恒苦餉。文華從容籌畫。經費外。積羨金十九萬。歸之有司。先是文華卸汴藩時。積羨金萬餘。歲更具籍。請納行李。否則以白臺使。文華第以籍授代者。充公帑而已。其廉不近名。類如此。參福建通志去粵日。粵人為祠以祀。所削平經畫處。皆摩崖鑿石。紀其功。海忠介瑞嘗過治所。歎曰。今日始成衙門云。采行萬歷丁亥。召拜南京工部尚書。未數月。改兵部。參贊機務。南兵驕脆。不任戰。文華畢力振刷。疏陳練兵。資械。選鋒。修城。重權。嚴警。凡六事。上嘉納之。下部議。行其四。采行天策衛卒。以儲饜腐。滷囂。詬主者。文華召倉曹諸役。及囂卒渠魁六七十人。俱集庭下。叱倉役杖之。卒以為庇

己也。匍匐謝文華亟數之曰：彼役典守慢誠有罪，爾曹胡不白之官而遽譁在軍令譁者死，衆乞哀免。乃痛杖卒，徙戍他所，並黜其長。衆始帖然。見金

陵雜志後三年庚寅，御史何田光等嘉慶志交章劾太監張鯨明史上皆不

聽。給事中李沂至觸上怒，受廷杖。文華率南九卿請罪鯨而宥言者，上亦不聽。遂引疾去。疏三上，乃允。采吳氏譜未幾，詔舉邊才，臺閣交薦，仍起南京工

部力辭虛位三年以待。退居十年，以萬曆戊戌秋卒於里第，壽七十八。贈太子太保，諡襄惠。采嘉慶志文華廉而不劌，遇事不銜多才，起甲科，尤精校士

督楚學時，所識拔士多至公輔。楚人稱賢學使，有前喬後吳之目。喬謂關西喬世寧也，及致仕歸，買學田百餘畝，以給諸生。事詳學校志。生平寡嗜

好，獨詩歌字法老而尤習，其文學亦一時冠冕。著書五種，詳藝文志。子三承熙、承照、承烈。采吳譜熙烈皆以蔭仕，熙自有傳。通志入列傳

王一岳，字鎮甫，載南其別號也。上元人，母夢吞瑞石而生。領嘉靖三十七年鄉薦，授襄城教諭，應聘分校京畿同考官。大學士李廷機、大司馬郭子

章出其門，餘悉成進士。一時推其冰鑑，遷上林宰。民豎七碑，紀頌功德。歷

知萬州，擢廣西思明府同知，攝橫州篆。剿八寨賊，撫按交薦。神宗兩賜金帛，初衡文北畿，子章自以負才名，出李下，意殊不服。一岳語之曰：李生文

有臺閣氣象，故當不同也。後李登癸未會元，位鼎輔。子章僅至藩伯，始為心折。父歿，以未視含殮，哀毀而卒。子章表其墓。通志入良吏

吳承熙，字汝緝，號敬容，文華次子。萬曆中，以任子授右督府都事，遷左府經歷。奉命轉餉，不逾期而至。太宰孫不揚稱其才，擢刑部員外郎，轉郎中

奸人王日乾以誣訐下獄，當大辟。承熙以事連宮禁，未宜遽斃。姑緩之內使毋進忠，已擬死。承熙真其枉，出守思恩。土夷好爭殺，以禮教化之。諸土

司故事歲時饋守方物，悉謝絕。有藏金於筐篚以遺者，却而還之。諸夷大服相戒，遵約束，以催科不力，格奪俸。乃下教吏民曰：太守撫字未能遘茲

凶歲，不欲重困赤子，薄譴固甘之。民感其誠，咸相勸諭，不旬日而賦足當道，異之。方謀疏薦，以疾卒於官。

孫一謙萬歷中爲南都司獄故事重囚給米日一升率爲吏卒盜去卽散

給亦強弱不均至有不得食者新囚入獄獄卒驅之濕穢地不通飲食而

官因以爲市一謙知之懸厲禁手挈一秤秤米計飯日以卯巳時按籍分

給食甚均又時時視囚衣敝垢爲洗濯補紉令完善輕繫之餓者予囚飯

之半囚得不死每曹郎視獄問囚有苦欲言乎皆曰幸甚孫君衣食我是

時少司馬王用汲聞其事以告郎中蔡獻臣頃之大司寇樵李陸光祖少

司寇瑯琊王世貞皆加優禮欲爲之地而一謙以他事左轉靈山吏目矣

歸至鄱陽湖卒移綴循良通志人良吏世貞贈以詩云青衫白馬帝城
西祖道無人日欲低猶有若盧方畝地緒衣能作數行啼

蓋紀實也獻臣亦作文慰勉陳繼源萬曆中爲大勝關大使商賈皆愛之言今大使不費我錢兵部郎

施壽明以廉貞稱之及遷溫州司獄窮老矣常却例金太守蔣光彥閩人

也念欲有以益繼源令攝外獄外獄者諸縣輕繫待讞於府者也繼源固

辭請屬之倉守曰此亦司獄職耳應曰某未任時此獄屬倉安得盡司獄

職乎將笑而能秩滿歸至不能餽粥依老僕以居移綴循良通志入良吏
參議何湛序云洪

惟我皇祖定鼎金陵環視山川朝拱而大勝形勢雄據要津南繞都城北
通京邸東西舟車之往來防之難易悉屬撫制於今二邑三關命臣督
兵士守之凡舟車之往來防之難易悉屬撫制於今二邑三關命臣督
通兵士守之凡舟車之往來防之難易悉屬撫制於今二邑三關命臣督
兵士守之凡舟車之往來防之難易悉屬撫制於今二邑三關命臣督
通兵士守之凡舟車之往來防之難易悉屬撫制於今二邑三關命臣督

粥衣棉以活囚繫俸入不繼鬻家中腴田濟之有權貴誣人重罪欲旦夕

連江縣志

卷二十三

明列傳

三十四

卷

置之死。選密縱之。權貴索甚急。會行人吳國華賚勅至。選素與善。因力為緩頰。得免。擢唐王府審理。未幾告歸。移綴循良通志入良吏

趙九鼎。字重于。天啓間。授彝陵州南津關巡檢。先是巡檢多弛政。江盜橫行。豪強透越者。習以為常。鼎至。巡緝嚴密。強梁斂跡。所屬深愛戴之。丁外

艱卸職。民多泣送。歸隱石門。潛於慾利。所著書。詳藝文志。移綴循良通志入良吏 翰林

文安之贈詩云。三峽三灘清且漣。崔苒不雜。杏花天。城中父老泣相送。請向轅前選一錢。

清

陳彥弼。字子卿。號如築。縣西舖人。順治四年。清師入閩。戰坂草寇竊名號。乘夜索門。時彥弼分守北城。謀者密勸發鑰。彥弼燭其偽。不與。寇計沮遁去。隨選歲貢。任甌寧司訓。甌介焚戮後。絃誦寂然。彥弼集士課業。是科雋者二人。甌序固寒苦。每當風雪。寂歷晨炊。間舉終不一字。干人十二年。清師南征。總憲佟岱命學使者孔自洙備船數艘。迎於崇安溪。孔分遣學僚解往。時舵工衆。日久餉匱。解者御之無恩。率喧騰叛去。獨彥弼所轄百艘。

甌序。甌寧學官也。言學官缺清苦也。

連江縣志

卷二十二

明列傳

三十五

結以恩義。咸感激聽命。師至交轄。猶依依不忍離。當事議首薦。尋以督建

府庠文殿。得病辭歸。十四年。藩師催補選。彥弼笑曰。僕素悔作官。今老矣。

腰堪再折耶。三十一年。耿藩變。起偽檄三至。平移病逃避。生平內行肫摯。

母病足且瞽。臥牀二十年。承奉無少懈。壽八十三。著書六種。詳藝文志。長

子登。自有傳。次子潤。入儒林。移綴內行兼采陳氏譜通志入忠義孝義二門

陳啓明。字炳初。號平農。以順治六年歲貢。授永定訓導。嚴毅性成。士奉模

範。永定學宮隙地。為豪右所侵。有年矣。啓明至。力為請復。豪右初以威攝

之。不動。復以金遺之。明持金。集諸生。拜誓先聖前。侵者計屈。乃復其地。尋

以疾丐歸。移綴節概

陳肇復。字問心。第次子。順治八年。以恩貢授大昌令。時大昌為逆闖餘孽

所據。檄攝大竹。按籍均徭。民德之。改攝綿州。築堤浚川。勸課農桑。民有陳

公堰。陳公壩之稱。會吳三桂移鎮滇南。士馬數十萬。出犍為。長吏檄肇復

視其事。犍民凋敝。曲意拊循。躬奔走供億。事辦不以病民。總制李國英會

戴

勦川東巨寇。又檄督運肇復見糧儲露積。力請建倉。既而淫雨。並寇李來
亨來攻。卒不能害。國英以是重之。康熙三年。大昌賊降。欲編所擄男婦入
降籍。相配隸。肇復持不可。馳白督府。得八百三十三家。還為民。復竟以忤
降賊。故左遷池州經歷。屬鳳陽諸邑饑。民為亂。巡撫徐國相令署蒙城。具
民疾苦上請。得賑貸。緩征。饑民大悅。亂旋止。有逆賊詞連。平民百餘人。下
其事於縣。肇復秘不發。徐召諸被誣者。示以檄。皆驚仆。肇復曰。吾知爾枉
爾無逃。逃則不能為爾地矣。遂力為申脫。蒙人感泣。為祠以祀。生平持已
峻潔。仕宦二十餘載。敝衣蔬食。年八十卒。所著書詳藝文志。子元鍾。入文
苑。通志入列傳。元鍾。湘潭人。少壯。如雪。抱子。當秋。浣江。曲低。頭照。水不
看人。清波。足下。沈雙。玉潭。壯婦。無一。言暗。掩衫。襟咽。淚苦。可憐。薄命。呼
不姑。家亦。風立。冷雨。負春。花風。前執。雲承。家大。人教。時以。軍興。督運。往來。江
上詩。諒亦。思風。昔有。居兒。姑上。又風。言序。鳳寧。得知。下大。鳥小。鳥威。聽之。大
鳥不。詩出。瘦兒。瘦兒。居兒。姑上。又風。言序。鳳寧。得知。下大。鳥小。鳥威。聽之。大
宿為。鳥上。不姑。不看。苑。

連江縣志

卷二十二

清列傳

三十六

泥朝。朝暮。暮華。堂西。泥滑。口小。用力。癡心。中苦。楚誰。得知。一旦。窠成。仍棄
去我。笑燕。子徒。爾為。行不。得也。罷罷。大有。人兮。山之下。手挾。桑弓。面予。射
邱隅。遜黃。鳥山。梁避。雌雉。維石。巖巖。草茸。茸
兮予。所憇。啄人。黍食。人梁。人有。機心。那可。忘

吳駿。字時來。順治十四年副榜。耿逆變起。邑中有欲就偽職者。駿遁跡寶
華山中。迫之不應。後為寧羌州同知。州本邊徼。駿外捍內撫。民懷其惠。以
母老致仕。移綴循良。通志入良吏。

陳登。字駿公。號慕築。彥弼長子。康熙三十四年歲貢。邑有東湖。遷民王明
石及投誠副將張天祿沿海再遷。陳明中等倚仗達部之券。墾湖為田。勢

甚岌岌。登聯同志。控訴列憲。歷數年勞瘁。一一清復。有自述三復東湖水
利記。詳水志。連有糧派馬草。為數甚鉅。上憲念連疲。欲豁免。府胥秘不發。意

圖詐索。登憤然馳省。力取府檄。對眾宣告。事始寢。耿藩新造王府。連取石
夫二百名。渡海擡石。界外荒莽。日則併力扛運。夜則重足露處。民夫傷暑

死亡過半。更代者不肯前。登憫之。親與藩從事。金有登大相辯難。幾至用
武。卒從議免役。歡聲載道。處家庭。則又友愛。海寇陷城。弟潤被擄。登入賊

武。卒從議免役。歡聲載道。處家庭。則又友愛。海寇陷城。弟潤被擄。登入賊

武。卒從議免役。歡聲載道。處家庭。則又友愛。海寇陷城。弟潤被擄。登入賊

武。卒從議免役。歡聲載道。處家庭。則又友愛。海寇陷城。弟潤被擄。登入賊

武。卒從議免役。歡聲載道。處家庭。則又友愛。海寇陷城。弟潤被擄。登入賊

武。卒從議免役。歡聲載道。處家庭。則又友愛。海寇陷城。弟潤被擄。登入賊

營傾囊贖歸。諸弟衣食婚嫁皆力任之。彌留時。取自置田分遺諸弟。無少吝。卒年六十六。著書六種。詳藝文志。嘉慶者附內行陳彥弼傳。通志同。今采通志。並陳氏譜。為專傳。

周懋勳。字錫弓。通濟鋪人。曾祖心蓮。稱理學君子。懋勳繹其先業。登康熙三十五年賢書。三十九年成進士。居鄉閉戶讀書。不改儒素。授廣宗令。廉潔自矢。邑有例金。立禁革之。會大旱。民饑。籲請太府發常平倉以貸。復額外借穀三千石。為粥以活貧餓。民感其惠。立生祠於舊店。祀之。在官三載。多著勞績。擢吏部主事。未行而卒。敝篋蕭然。士民為之感泣。孫應陽。自有傳。通志入良吏。

邵言綸。字思飭。一字芝山。萬石鋪人。康熙四十八年進士。出宰息縣。縣故多豪族。猾吏言綸繩以法。使不得逞。凡常例科派病民者。悉禁革之。方正嚴毅。與上官多齟齬。為總督田文鏡所劾。安置濟寧。蕭然自得。無幾。微坎壞。意見於詞色。後卒謫所。移綴循良。通志入良吏。

楊茂藻。字魚在。廷臣後。安德里人。順治庚子。海寇陷透堡。明年調移沿海。

連江縣志

卷二十三

清列傳

三十七

居民悉入內地。藻於播遷中。不廢誦讀。旋餼於庠。充康熙四十八年歲貢。居常授徒自給。遊其門者多名流。郡人葉太守謙。其一也。善課子。友梅友竹。皆以明經世其家。晚司壽寧訓。時稱庠士楷模。未幾乞休。制府常公判其牒云。老成宿學。堪為多士羽儀。肥遯居心。甘作山林隱逸。勉狗所請。以誌嘉尚。年八十八卒。移綴循良。良。葉謙挽以聯云。兩世鱣堂。沾化雨。一官鶴俸等浮雲。皆實錄也。

陳衣德。父天昌。遭耿藩變。從其父避鳳岸口。拾橡山中。以給。康熙五十六年。由龐清籍領鄉薦。官順昌訓導。雍正元年。成進士。知文安縣。縣本瘠土。患河決。凋瘵未復。衣德詳豁各倉民欠米。又免協修長屯夫。入官田一百三十餘頃。民感其德。嘉慶志無傳錄。通志良吏補之。

陳材。字克任。號魯林。馬鼻人。少倜儻。有大志。輒以經世講學為己任。雍正十年。舉於鄉。乾隆元年。成進士。授戶部主事。改歷江西永豐。南康餘干等邑。立義倉。編鄉約。興學校。剔弊釐奸。風俗丕振。初在永豐。時值歲大歉。材權宜開倉借賑。民賴以安。雖干上譴。不恤也。江西士大夫為三吏傳。紀其

全活數十人
此之大也
此之宜也
此之利也

疏陳與修水利

我朝除罪

疏陳與修水利

政後乞歸卜築山窳閉戶著書接引後進皆成名士乾隆壬子附予告大學士漳浦蔡新重宴鹿鳴將樂邱理德亦預焉一榜三人奏上御批佳事也至嘉慶紀元又與蔡重宴瓊林年九十二卒著書九種詳藝文志移苑文吳元春字松齡應乾後縣西舖人雍正十三年鄉薦乾隆四年成進士授通海縣令在官兩載以簡靜明察著聞素知醫尤精活幼後以役某子患疹春一劑起其危時邑屬疹盛行民間聞之爭挈孩躋堂求療春心憫之不忍却公暇日診數百兒全活以數千計事聞大吏以春失政體鏤級去官通海士民造太爺賢謠頌之並繪治所山川城郭圖以獻歸之日澣衣蔬食依然寒素譚藝自樂以終其身移綴循良吳鵬南字懋今號芝岡一號省旃學前舖人少聰敏九歲能屬文乾隆六年領鄉薦聯捷入庶常散館授翰林院編修癸酉典試浙江稱得人轉御史擢吏科給事中居官多建白嘗疏請修舉山林之政援引從前種柳事例每官種柳一萬株紀錄一次若倣此而行飭地方官有捐貲種樹萬株

連江縣志

卷二十二

清列傳

三十八

者亦至加一級而止其民間答杖小罪聽栽樹為贖紳士有願栽者亦恐示獎賞不過十年以後處處成林為事雖微所益實大至於焚林掘根等弊嚴飭有司切實禁止根不掘則歲歲可生山不焚則人人可採既興發生之利尤防戕生之弊云又疏陳興修水土之政請畧仿周禮小行人以民間利害為一書及匠人為溝洫專達於川各載其名之意飭以一年之內先將一省大局逐一核計何地高亢何地低窪高亢者宜渠宜堰低窪者宜港宜溝或設塘以收稻蟹魚蒲之利或鑿井以收棉花蔬菜之饒皆聽長民者相土之宜而布其利每歲終則上其一歲之成於督撫將來吏有改移政仍接續不沒良吏之勞亦收得人之效矣疏入上可其議然未果行尋以父艱歸里哀毀遘疾卒生平矜重自好不輕應酬日以筆札自娛所著書詳藝文志所遺行草筆蹟藝林寶之通志入列傳楊方壽字淑康號靜圃崇禮舖人乾隆九年領鄉薦十三年登進士第選授廣西平樂令邑舊習諸生初入學無謁聖禮民俗每歲九月男女聚遊

滙塘灣踏歌贈答相悅則自定耦不行媒也方壽悉教導禁革之有久佃而匿其田者悉剖還之主者或袖金致謝輒面斥使去又有侵官地種植爲人首發浼權勢私謁行賂卒堅拒弗爲撓籍其杉木爲義學膏火費一時弊絕風清五載丁內艱歸民肖像以祀移綴循良

吳應昇字懋武號曉初鵬南弟乾隆九年邑領解者九人昇父樹稷弟志颺一門三雋時稱盛事初借補沙縣諭帥範端方後出宰嚴州建德建要衝也昇以儒吏拊循之民用休息且以八世祖世澤曾守是邦先人棠蔭所在益自矢不負初志三載請假終養宦橐蕭然建德人知其貧釀金以資之行家居恥奔競雖以故舊知交如毛昇宰邑田允衡攝郡皆鵬南所得士亦未嘗一干謁邑有義舉則樂任之移綴循良

周應陽字銓乾號體庭懋勳孫乾隆十二年鄉薦由借補邵武教諭授河南溫縣尹未滿以病假痊復舊治邑有十三里向選殷戶充徭承催糧米多至蕩產應陽至憫其累立請革之四十一年春旱饑詳請緩征捐俸米

連江縣志

卷二十二

清列傳

三十九

爲縻以賑四十七年冬旱至四十九年夏始雨乃薦饑仍籲請賑濟並平糶存倉薊糧三千石民賴小甦五十年春麥未登民又乏食至有遺棄嬰孩者復自捐米並勸紳士勸助設立粥廠六十餘日全活無算路收遺孩哺之養濟院凡十三口五十二年春又旱隣境蝗作應陽扶病禱雨捕蝗晝夜罔間竟以勞卒士民扶携弔哭至發引送者相望於道移綴循良通志入良吏

胡紹嶧字定鄒號魯山儒陽人以乾隆二十四年副榜應三十五年鄉薦三十六年春試遂捷第三名年已六十餘矣赴春官宴有詩云宴罷瓊林景物奢紅綾餅不碍殘牙座中多少人如玉爭向樽前笑插花引見日上以年老卽用教授補泉州府學九十歲始卒移綴叢談

吳通源字亨泉號岱瑞鵬舉孫幼聰敏經書過目成誦甫成童以習十三經爲吳文宗樹屏所拔補弟子員乾隆十八年領鄉薦三十年成進士授浙江餘杭令政尙廉平民稱不擾當道器之未幾丁內艱歸哀毀疾卒年四十二性介寡交遊耽聞靜每展卷有得至夜分猶一燈如豆兀坐不肯

休蓋質敏嗜學不以早達少輟云移綴循良

瞿濟鶴字敦文倉前人少負幹濟才乾隆十七年舉於鄉三十一年大挑分發山東試用知縣三十四年改直隸三十六年試南和縣事時縣東南四十餘村被水濟鶴親行履勘賑濟民沾實惠以失察左道趙勇削職旋擒獲復官權知寧津縣故事新官蒞任三日內飲食器具皆吏胥供應濟鶴一切屏除順德知府孟某廉濟鶴賢請攝知平鄉縣勞之曰爾未到任百姓善者引領惡者屏氣何先聲之奪人耶抵任清釐舊牘半月而畢革生張蓮吏員黃登賢時撫拾虛欸訐告上官有八路總兵之目濟鶴對衆揚言曰爲我語二人能痛改前非我又何求二人聞之伏匿不敢出三十九年陽穀縣王倫反騷及臨清平鄉距臨清一百六十里濟鶴派丁壯防堵要路民恃無恐明年乘農隙修築滏陽河隄四十里編查保甲總督周元理以濟鶴爲最授邢臺知縣邢臺爲七省通衢使者絡繹事辦而民不擾四十三年大旱二麥不登濟鶴借給常平社義倉穀各半鰥寡者給

連江縣志

卷二十二

清列傳

四十

兩月糧男婦異廠無遺無濫舊時歲荒無賴子弟向富家強貸謂之均糧至是禁革之民得安堵四十六年京兵進勦甘肅逆回分隊過邢臺者供應無缺遷宣化府蔚州知州蔚州文風爲宣化府最前官創文蔚書院以居諸生而童生不與濟鶴以養正在童捐俸爲童生膏伙又捐修學宮四十八年擢南路同知檄下以病辭去濟鶴所至於大堂置廣受箱聽民投函言事時而微行察民疾苦惡惡如讐任蔚州時論捐職李逢良武生郝沐禹不法事如律任寧津時化健訟廩生王言爲善士其鄰封疑獄經覆鞠平反仍歸原官更正已不居功既歸築義塚詳惠政捐租穀建宗祠修族譜嘉慶癸酉重宴鹿鳴逾年卒年八十六嘉慶志無傳錄通志良吏補之楊鳳騰字季曉號梧岡友梅子家世明經一門自相師友年逾冠應乾隆六年選拔旋中副車擅名鼇峯書院十餘年領二十一年鄉薦第一明年成進士授粵西賀縣居官潔已愛民以振起斯文爲己任二十四年二十五年兩科與族兄方壽同分校商榷去取稱得人尋卒於官侍郎周煌誌

其墓所著書詳藝文志子鍾嶽自有傳

移綴循吏

楊鍾嶽字文巒號西喬鳳騰子生而穎異十歲作文有豪氣滔滔千餘言祖友梅嘗曰此子讀書定有夙根稍長隨父鳳騰就學鼇峰書院凡館課書藝詩賦輒私擬成篇掌教林青圃見而深器之歲十六以郡試第一補弟子員旋食餼乾隆二十六年恩科成進士榜初放其父鳳騰以賀縣令卒於官訃至鍾嶽奔喪至粵扶襯回閩服闋補殿試以二甲分曹累遷至戶部郎中兩膺考最擢御史外補湖北荆宜施道尋授山東河道會河溢運道淹阻鍾嶽未受篆卽與前任沈啓震協勩日乘小舟往來風濤中趣修絳路艚艘賴以克濟工竣議敘一等調補濟東道既至修濼源書院增膏火嚴督課士風一振時以河患既平大修運泲兩屬隄工巡撫明興奏以鍾嶽代陸某總泲河之成會高宗南巡見堤岸完固上心韙之召詢家世敷歷及河防工程奏對詳悉特賜克食及貂綴荷包數事比迎鑾回遂拜山東按察司之命鍾嶽方手摺請訓以積勞遘疾卒年四十六爲人器

連江縣志

卷二十二

清列傳

四十一

量寬洪居家尤敦睦通籍後歷官齊楚恤屬惠民至戚族之孤寒者皆携至官署教養周備故筮仕中外二十餘年宦橐蕭然

通志入列傳

黃家璣字學佩一字樸山恩貢廷讀子乾隆四十八年舉人六十年大挑授知縣分發湖北時白蓮教匪滋事家璣奉檄協理糧台周歷川楚及陝凡六閱月饟運無愆期既受代返襄陽權知咸豐縣縣本苗疆乾隆元年入版圖納款不征科惟歲輸兵米若干石地僻事簡兼攝學篆甫蒞任積年獄訟旬日訊釋暇則入學宮與士子講肄忘其身爲縣令也移麻城咸豐士民知其貧餽以贖不受麻城糧賦重歲輸道府柴炭需千金皆取諸民家璣出資半價買之不以苛民一切例金悉裁汰邑有巨猾奎案久不能致家璣初至擇幹役授意偵緝尅期而獲人頌如神又移鍾祥鍾祥地廣事繁多滯獄家璣審牘豫標其可疑者一鞠具服會大水襄堤圯家璣捐俸賑復籲大吏發帑修堤亘四十餘里費不及三萬復民田數千頃民立祠生祀焉生平篤嗜薛文清讀書錄嘗謂其友盧家元曰予所學祇一

敬字而臺司僚友以予無餽遺皆嘗予不敬奈何以積勞疾卒於官獄囚有號哭者士民鳩賻始歸葬

通志入列傳錄通志並據采訪冊

黃奎光字懷章號星巖青塘人性英穎而鎮定優於學養乾隆五十三年舉於鄉嘉慶十二年由景山教習出宰雲南恩樂縣縣界極邊士風淳樸奎光至月兩課之飯以脫粟而諸生來者源源如也公暇微服巡阡陌督耕耘教令於瀕河地蒔桐竹以固堤防農民稱便邑舊有社穀二千八百餘石嘉慶初前官售之無遺粒奎光不暴其短但核檔冊陰白上台請領舊懸軍需銀千三百兩復募富戶得七百金悉數置田歲得穀四百餘石儲以備荒會鄰邑令有以貪酷激變者已告驚而請剿矣奎光聞之恐殃及恩樂轄立馳往諭衆釋械但縛爲首者數人送詣臬司請輕刑而釋脅從時司臬者顏公檢也顏聞警已督兵至中途奎光夜叩行轅具白前狀顏披衣出見大喜曰夙聞君儒吏乃有應變弭亂之才如此乎自是滇中大吏咸知奎光才鄰民尤感戴之任恩樂五年政簡刑清四民樂業以父

連江縣志

卷二十二

清列傳

四十一

古書物識誌

母老欲請終養而格於年例擬引疾歸適丁內艱旋里年餘又丁外艱惠潮道趙慎畛聘爲韓山書院山長服闋赴選而選期尙紆十年遂南歸復主韓山講席前後凡十三年獎掖後進多所成就年六十七卒於家夙耽書書法學柳誠懸瘦峭蒼勁墨蹟多有存者著書二種詳藝文志

陳滋源字滙泉號左海太高祖彥弼與高祖登高叔祖潤曾祖修士三世明經學行皆足稱述見列傳儒林等志滋源逾冠有才名乾隆二十八年歲試童子會朱珪以觀察攝郡拔取前茅明年遊泮又明年受餼歲科季考凡五六冠軍所遇學使者如紀昀王杰朱筠朱珪諸君皆當代哲匠爭以國士目之士之以文字遇知未有如滋源者然文憎命達雖滋源不能操券四十八年彙考優行朱珪爲政心許貢滋源矣乃滋源以臨試遇艱止論者皆曰有命滋源曰不然吾實不才不能早邀一命逮吾父之存不得謂天之厄我也嗣循資而選歲貢焉邑有東湖其高祖登曾三復其水利時有邑人復引長樂蔣則暖來連繪圖議墾滋源爲七墩擬呈控阻並

貽書蔣則駿。詳水事始中。人皆多其能承先志也。他如重建文廟、修通

濟橋、疏河淤、率先傾囊、無役不從。又控阻迎賽瘟神、懼禍者不敢前。滋源

持益堅。後亦無他異。生平篤於行。復雄於文。與林占芳為文字交。垂四十

年。滋源年六十五先歸道山。占芳為立傳。稱為畏友。蓋欽佩之有素也。子

敦本。歲貢。孫芳烈。歲貢。入方技。曾孫文鏞。優貢。入文苑。嘉慶志無傳采陳氏譜補之

陳聲適。原名聲籍。字駿甫。一字緝學。山兜人。年十五入郡庠。肄業鼇峰書

院。掌教孟超。然先達。器之。謂可與講古學者。乾隆五十七年領鄉薦。第二

嘉慶七年中甲科。選庶常。散館後。由實錄館告成。議叙。以知縣用。銓陝西

谷縣。改桂之北流。政尚寬簡。訟牘中有株連者。必抉釋之。先是隸持牒勾

人。不遂所欲。輒毀牒誣民拒捕。聲適痛懲之。革弁某詐銜制府命偵事州

縣。勒餉遺聲適疑之一鞠吐實。申制府。置諸法。暇則詣抱璞書院。講學論

文。捐廉置書田。為膏伙費。任四年。以丁父憂去官。父老遮留。都人士多賦

詩以餞。自是歸不復出。主講鼇江書院。培植後進。卒壽七十餘。諸生奉其

連江縣志

卷二十二

清列傳

四十二

賜硯堂

主祀於書院。初聲適入翰苑。時方承平。當宁右文。常微服入詞垣。視諸詞
臣勤惰狀。一日臨幸。同館者皆他出。獨聲適據案作書。上趨過之。而聲適
未之覺也。俄而內侍捧硯出。傳旨賜聲適。同館愕然。後聲適歸。題所居曰
賜硯堂。以誌恩遇。聲適體胖。腹便便而耐坐嗜讀。尤喜讀漢魏書。故所為
文多奧衍。字亦古樸。自謂學衛夫人。後五百年當有知者。通志入良吏錄通志並據采訪

黃飛鵬。少由行伍洊擢千總。嘉慶二年。陞定海鎮左營守備。超擢中軍遊
擊。復擢定海參將。十年。總督玉德奏保飛鵬熟諳水師。緝捕出力。得旨陞
授副將。調權黃岩鎮總兵。屢與提督李長庚會剿蔡牽。殲虜以千計。獲銅
鐵鎗礮數十。適被彈傷腰腿。上嘉其出力。傳旨優獎。旋調碭石鎮總兵。追
擊鄭一黃亞有等。匪船殲獲無算。時英商船擅進虎門。巖黃浦。總督吳熊
光檄飛鵬管帶舟師。嚇阻夷船。薄城外者不聽。飛鵬轟礮擊斃夷民一名。
傷三名。夷船懼。遂退。事聞。上嘉其有膽氣。又偕提督童鎮陞等。勦匪儋州。

生擒渠魁烏石二及賊目鄭耀章等捷奏入賞戴花翎交部議叙調陽江鎮總兵在洋卒奏准以軍營病故例賜恤

嘉慶志無傳錄
通志列傳補之

陳肇英號洛川嘉慶六年登張翹榜第八名舉人弟肇波亦於是年登拔萃科十三年肇英成進士是秋恩榜肇波亦領鄉薦時稱二難肇英試臨軒得旨以知縣出宰貴州清平調署黔西州臺司檄委貢銅入都稱職洊擢陝西葭州刺史時其祖母年八十餘肇英以家孫例侍奉爰乞假歸構別業於東郊遂優遊以終老先是肇英穎慧束髮受書過目輒成誦與弟肇波同受業於林明經占芳林謂英以天姿勝波以學力勝機雲優劣似未易評隲者唯英文福較厚於波耳厥後果如林言

陳肇波號紫瀾生而有夙根讀書精而勤穉歲卽工帖括稍長貫通百家言而精於考據與兄肇英俱以文名會城李某聘乃兄課其二子彥章彥彬時肇波亦肄業鼇峯課餘輒詣李家助乃兄教伯課文仲講經教學日益相長旋以六年拔貢應廷試選入旂教習留京數年兩入順天闈迭報

此章彥彬兄弟
以中均榜連之章
初賦俱有可傳

連江縣志

卷二十三

清列傳

四十四

罷十三年秋南旋登恩榜第二人故事教習俸滿得授縣令肇波恥小就遲迴不卽赴迨五蹶南宮始出宰桂林之來賓行政多便民者歷署馬平上林貴縣及河池州牧拊循稱是貴轄質庫年例餽邑宰數百金肇波至諭免之並著爲永誠其潔己愛民又如此尋以曠額短絀及盜獄疎虞二事獲譴留緝同郡梁中丞章鉅撫桂廉知其宦况極力摒擋始就緒留撫署西席者三年以館穀梓其撰著歸時行李蕭然祇以鐫板質篋而已著書十一種詳藝文志

陳朝錦號孔章縣西舖人嘉慶二十一年舉人道光十五年大挑一等召對稱旨授安徽英山縣歷署東流霍山十九年恩科充江南闈分校綽有善政復優於衡文署上上考東邑紳士爲製祿位配饗東嶽及卒喪歸邑民遮道哭奠者至千百人子士鈞自有傳

林青芝號文秀溪尾人父際芬道光五年舉於鄉芝亦於是年登拔萃科芝少受庭訓潛心考覈名物象數援古證今必詳且悉弱冠受知於孫學

使爾準每試輒冠軍。後準升閩撫兼監臨。芝於八年秋領鄉薦。以弟子禮謁準。準大喜曰：「吾子學有根抵，知非紙上空談者也。」會奏准修造貢院，命芝監工。有坊者素狡黠，妄以型甄未甄者冒濫充用。芝覺而糾之，坊者不服。芝立走白準，挈甄漬之水而甄，示不堪用。準見之，怒罪坊者而優獎芝。笑謂芝曰：「窮經致用，此特其一斑耳。」由是芝以鯁直聞。或欽其有學識云。

黃光彬，號質軒，青塘人。道光二十六年鄉薦，聯第進士。時年三十餘，以知縣分湖北。咸豐元年恩科，分校棘闈，多所識拔。是冬補荊州之石首縣。地濱長江，堤防時潰，籌修築爲永久計。民資保障，二年粵匪竄楚，石首適當衝，數被圍。彬率民兵登陴守禦，匪不得入。遂先取鄰封華容監利，復合軍并力來攻。彬以兵力單，白當道請遴川勇協剿，平之。進復華監二邑。郡藉以安。後十年壬戌，李公續宜撫皖，奏請調用。委攝英山。時髮捻屢出沒其間，彬嚴堵之，後無擾害。又數年，爵帥曾國藩中丞僑鶴儕，先後保奏留皖。

連江縣志

卷二十二

清列傳

四十五

補廬江縣。縣亦初克復，凋殘實甚。彬任五載，建文廟，清田課，減賦漕，諸善後事。以次就理，至是彬歷仕二十年矣。歷兩省，握三篆，掛冠之日，悉以俸餘購叢書數十篋歸，而主講菴江書院。凡八年，壽七十三卒。

蔡賡良，初名玠，字喬年，號潤叔。其先居仙屏鄉。乾隆間遷會城。良幼孤，兄弟三人，良其季也。爲人精明而渾厚。登道光二十九年拔萃科。廷試一等，授小京官。隸刑曹三年，升主事。又數年入樞垣。同治初補授河南司秋審處坐辦。律例館擬調，尋兼提牢。洊升至郎中。在京邸二十年，端居讀律，不妄交遊，而僚友信服。部中有疑獄，每呈牒，或判牘，長吏必就詢良。良曰：「可乃畫諾。」廣司寇興錄囚瀋陽，崇司寇實覆讞山海關，迭奏請以良爲從官。皆倚如左右手。凡屬良勘定獄，多所平反。衆咸帖然。時有滇南提督某以罪被逮，輦金行賄，司讞者咸色動。威紕誘莫之鞠，乃以屬良。先是某因所親陰以二萬金陷良，良立却之。且以暴於衆，比入對簿，某望見良，卽跽白具承。且曰：「公端人也，某得受公法，死瞑目矣。」讞既定，都下演爲樂府。至比

之于定國云。良嘗語僚屬曰。吾生平矢廉慎。每鞠一囚。勘一語。反覆審覈。唯恐失平。兢業小心。三十年如一日。吾爲斯民計。吾亦爲子孫地耳。光緒初出守河南歸德。清積牘。除雜徭。整學校。濬井渠。郡夙苦旱。自是郡民世食其利。涂中丞宗瀛以勘災過郡。見良。優獎之。語左右曰。此古之良二千石也。特檄散賑。良周履所屬。撫恤有加。又於郡北關外設棲流所。安集河朔災黎。土著僑民。俱受實惠。事聞。叙功。以道員擢用。調守開封首府。又以河防功。晉秩鹽運使。是時廷議行省巨獄。詣部投牘者。悉下府理。歲無慮數百獄。良夙明刑剖決。如流。案無留牘。以繁劇積勞。於光緒七年春。疾終。開封郡廨年六十一。遺囑不受賻。不禮懺。歸葬會城西關外文山。子嘉驥。廩貢。長孫道凝。拔貢。四孫道鈞。陸軍上尉。五孫道銓。海軍學校畢業生。陳士鈞。號和石。朝錦子。咸豐九年舉人。同治十年進士。授廣西西林令。邑之舊俗。每一令下車。糶民必納款五百金。爲邑宰壽。其地苦瘠。官數調移。糶民苦供億。至有鬻子女以應科者。士鈞廉知其艱。立擯不受。隨牒請永

豁免焉。調署灌陽。治所但有土堡。居民不知耕穫。士鈞至。建城濠。教稼穡。民智爲開。立祠以祀。陞龍勝府通判。卒於署。年四十九。初。士鈞未第時。家赤貧。嘗除夕斷炊。而呶唔不輟。其妻恚。攫其卷。擲之地。士鈞不怒。亦不言。就地拾之。讀如故。而志益堅。及通籍之官。麤衣糲食。一如平日。嘗自言曰。貧。吾分也。仕而仍貧。亦吾命也。安之而已。

陳廉。字石谿。邑優廩生。光緒二十七年。游幕四川。掌川漢鐵路局文牘。援例以縣丞選用。趙爾巽督蜀。知廉才。延司筆札。數年。以勞績歷保至知府。時宣統初年也。自是署雷波廳。巴安府。裏塘府。所至有聲。巽去蜀。其弟爾豐繼督。亦雅重廉。令作後藏統領。保升道員。宣統三年秋。由藏回蜀。會藏兵窺蜀邊。蜀督尹昌衡檄廉轉饒。道遇藏兵。戰於怒江上流。死焉。廉工書。又善畫梅。長吏亦嘉其多能。器宇軒爽。幕僚尤欽服之。死之日。蜀都人士皆惋惜焉。